


# 24 საათი

"24 საათის" ფიქციანი ნომერი

## \*2424

პრესმომხსენი

A3




"რა ბითხრათ, რით გაგახაროთ?"

A4



ფხენიანის რაკეტები

A7



**24 საათი**

"24 საათის" ელექტრონული ვერსია იხილეთ Web-გვერდზე [www.24saati.ge](http://www.24saati.ge)

ჩვენი პარტნიორები:

**თიბისი ბანკი TBC BANK**  
ჩვენ ვაძლიერებთ ერთმანეთს

**GRDC group**

**პენის სადაზღვეო ჯგუფი**

# ნატოს მკაცრ პოზიციას რუსეთი მუქარით პასუხობს

ნატო რუსეთისგან აღებული ვალდებულებების შესრულებას ითხოვს



ალიანსი მხარს უჭერს საქართველოს ტერიტორიულ მთლიანობას და მოითხოვს საერთაშორისო დამკვირვებლების დაშვებას ქვეყნის მთელ ტერიტორიაზე.

### დოქტორი ავალიანი

ჩრდილოატლანტიკურმა ალიანსმა საიუბილეო სამიტზე საქართველოს მხარდაჭერა კიდევ ერთხელ დაადასტურა. პირობა იმის შესახებ, რომ საქართველო ნატო-ს წევრი აუცილებლად

გახდება, ძალაშია. ალიანსი ქვეყანას ნატო-ს სტანდარტების მიღწევაში დახმარებას დაპირდა. ნატო-მ ასევე დაგმო რუსეთის ქმედებები საქართველოში და მოსკოვს საქართველოდან ჯარების გაყვანა და ყველა ვალდებულების შესრულება მოსთხოვა. თბილისში ალიანსის

პოზიციას მიესალმებიან, მოსკოვი კი გაღიზიანებით და მუქარით პასუხობს.

ბუქარესტში ჩვენ გადაწყვეტით, რომ უკრაინა და საქართველო ნატო-ს წევრები გახდებიან და ჩვენ ამ გადაწყვეტილების ყველა დეტალს ვადასტურებთ,

ასევე ვადასტურებთ გასული წლის დეკემბერში საგარეო საქმეთა მინისტრების გადაწყვეტილებას, - ნათქვამია კომუნიკეში, რომელიც შაბათს, ალიანსის საიუბილეო სამიტის მონაწილეებმა მიიღეს.

ბაზრძალაბა A2 გვირდობა

## ევროპაში რაკეტსანინააღმდებო სისტემაზე განთავსდება

### მარია იაშვილი

ევროკავშირის წევრი ქვეყნების ლიდერთა სამიტის დანახვის წინ აშშ-ს პრეზიდენტმა ბარაკ ობამამ თავის გამოსვლაში დაადასტურა, რომ აღმოსავლეთ ევროპაში რაკეტსანინააღმდებო თავდაცვითი სისტემების განთავსების გეგმები ძალაში რჩება, რადგან ირანის მხრიდან მომავალი საფრთხე კვლავაც რეალურია. ჩეხეთის შინაგან საქმეთა მინისტრი ზუზანა ოპლეტალოვა მიიჩნევს, რომ ობამას განცხადება "მხოლოდ და მხოლოდ იმის დადასტურებაა, რასაც ისინი მუდმივად ამბობდნენ და რაც კიდევ ერთხელ შეფასდა დადებითად ნატო-ს სამიტზე. კონკრეტულად კი ნიშნავს იმას, რომ თავდაცვითი სისტემები აუცილებელია ან გახდება აუცილებელი ადრე თუ გვიან."

ობამას გამოსვლის მთავარი თემა ბირთვული იარაღის გავრ-

ცელება იყო. მისი სიტყვებით, აშშ მზად არის და გეგმავს, რომ ბირთვული იარაღის გავრცელების წინააღმდეგ ბრძოლის ლიდერის როლი თავის თავზე აიღოს. "არც იმდენად მიაშიტი ვარ, რომ ვიფიქრო, თითქოს მიზანს მალე მივალწევ. შესაძლოა ეს მანამდეც კი არ მოხდეს, სანამ ცოცხალი ვარ," - განაცხადა აშშ-ს პრეზიდენტმა და აღნიშნა, რომ უმოქმედობა ყველაზე ცუდი ვარიანტია.

20-ათასიანი აუდიტორიის წინაშე გამოსვლისას ობამამ აღიარა, რომ ზოგიერთი ადამიანი დარწმუნებულია, თითქოს ბირთვული იარაღის გავრცელების შეჩერება შეუძლებელია. "ასეთი ფაქტობრივი სასიკვდილოდ სახიფათოა," - განაცხადა აშშ-ს პრეზიდენტმა. ობამას გამოსვლა ჩრდილოეთ კორეის მიერ რაკეტის გაშვების შესახებ ინფორმაციის გავრცელებიდან ერთი საათის შემდეგ შედგა.

ბაზრძალაბა A7 გვირდობა

## უბლაღას ინიციატივა ოპოზიციისთვის მიუღებელია

დედაქალაქის მერის გიგი უგულავას ინიციატივა 2010 წლის გაზაფხულზე თბილისის მერის პირდაპირი წესით არჩევის და თვითმმართველობის არჩევნების ჩატარების შესახებ, ოპოზიციის შეფასებით, იმდენად არაადეკვატურია, რომ ლიბილს იწვევს.

ოპოზიცია ხელისუფლებას შეახსენებს, რომ ისინი მერის პირდაპირი წესით არჩევის სამი-ოთხი წლის წინათ ითხოვდნენ, რაც მმართველმა გუნდმა ყურად არ იღო. უგულავას წინადადებას, არასაპარლამენტო ოპოზიციასთან ერთად, საპარლამენტო ოპოზიციის წარმომადგენელი გიორგი ცაგარეიშვილიც მკვეთრად უარყოფითად აფასებს.

ცაგარეიშვილის შეფასებით, უგულავას ინიციატივას ორმაგი დატვირთვა ენიჭება. პირველი - ეს არის ერთგვარი ხრიკი, რომელიც მიზნად ისახავს ოპოზიციაში განხეთქილების შეტანას და საპრო-

ტესტო მუხტის შესუსტებას. ამასთანავე, უგულავას ინიციატივა უნდა განვიხილოთ მმართველი გუნდის შესტად საერთაშორისო საზოგადოების დასანახად - თითქოსდა საქართველოს ხელისუფლება მზად არის ოპოზიციასთან დიალოგის დასაწყებად, ხოლო ეს უკანასკნელი მაინც საპროტესტო ტალღაზე რჩება, - დასძენს გიორგი ცაგარეიშვილი. ფარსი - ასე უნოდებს მოძრაობა ერთიანი საქართველოს ერთ-ერთი ლიდერი ეკა ბესელია უგულავას ინიციატივას. ოპოზიციონერის თქმით, ხელისუფლებას სურს, საზოგადოების ყურადღება ნაკლებად მნიშვნელოვან საკითხებზე გადაიტანოს. მთავარი კითხვა კი უპასუხოდ რჩება: რატომ არ ჯდება საქართველოს პრეზიდენტი მიხეილ სააკაშვილი პირდაპირ ეთერში ოპოზიციის პირისპირ?

ბაზრძალაბა A2 გვირდობა

### პატრიარქის საკვირაო ქადაგება

საქართველოს კათოლიკოს-პატრიარქი, უწმინდესი და უნეტარესი ილია მეორე იმედს გამოთქვამს, რომ ხელისუფლება და ოპიზიცია საქართველოსთვის სასარგებლო გზების გამონახვას შეძლებენ.

9 აპრილს თბილისში დაგეგმილი აქციის შესახებ უწმინდესმა საკვირაო ქადაგებაში ისაუბრა.

"ვილოცობ, რომ 9 აპრილი მშვიდობით ჩატარდეს. იმედი მაქვს, რომ ჩვენი ხელისუფლება და ოპიზიცია მოძებნიან ისეთ გზებს, რომლებიც სასარგებლო იქნება საქართველოსთვის," - განაცხადა ილია მეორემ.

ლიტურგიის დასრულების შემდეგ უწმინდესმა და უნეტარესმა კოდორის ხეობიდან გამოძევებული ბერ-მონაზვნები მიიღო. პატრიარქმა მათ ილუმინისა და არქიდიაკვნების ხარისხები მიანიჭა და ოქროს ჯვრებით დაასაჩუქრა.

### ჯი-ეიჩ-ენი

### ენეკო ლანდაბურე: რუსეთმა საქართველოს ტერიტორიების ოკუპაცია მოახდინა

ევროკომისიის საგარეო ურთიერთობათა გენერალური დირექტორატის ხელმძღვანელ ენეკო ლანდაბურეს განცხადებით, საქართველოში შექმნილ მდგომარეობას "რუსეთის მიერ საქართველოს ტერიტორიების ოკუპაცია" უნდა ეწოდოს. ლანდაბურე აღნიშნავს, რომ რუსეთის ქმედებები ევროკავშირისთვის მიუღებელია.

როგორც ლანდაბურემ რადიოსადგურ "ეხო მოსკვის" განუცხადა, ევროკავშირი არ ცნობს აფხაზეთისა და ე.წ. სამხრეთ ოსეთის დამოუკიდებლობას, რადგან ეს საერთაშორისო სამართლის ნორმების დარღვევაა.

"ჯერჯერობით ჩვენ ვერ ვხედავთ იმ ინსტრუმენტებს, რომლებიც ამ სიტუაციიდან გამოსავალს გვაპოვებენ. ამიტომ მნიშვნელოვანია, რომ არ დავუშვათ შეტაკებები და შეექმნათ მექანიზმი, რომელიც სიტუაციას განმუხტავს და გამოსავლის მოძებნის დროს მოგვცემს," - აცხადებს ლანდაბურე.

### მედიანიუსი

### კონსულტაციები ევროკავშირთან

ბრიუსელში ევროკავშირთან პარტნიორობა მობილურობისთვის საკითხებზე კონსულტაციები გაიმართა.

შეხვედრაზე საქართველოს დელეგაციას ევროპულ და ევროატლანტიკურ საკითხებში საქართველოს სახელმწიფო მინისტრის მოადგილე თამარ ბერუაშვილი ხელმძღვანელობდა, ხოლო ევროკავშირის მხარეს - ევროკომისიის სამართლის, თავისუფლებისა და უსაფრთხოების გენერალური დირექტორატის, მიგრაციისა სამმართველოს უფროსის მოადგილე პიტერ ბოში.

ნიშანდობლივია, რომ შეხვედრაში, ევროკომისიის წარმომადგენლებთან ერთად, ევროკავშირის წევრი იმ 15 სახელმწიფოს წარმომადგენელი მონაწილეობდა, რომლებმაც გამოხატეს ინტერესი, ითანამშრომლონ საქართველოსთან პარტნიორობა მობილურობისთვის ფარგლებში.

შეხვედრაზე მხარეებმა ინიციატივის ფარგლებში შესაძლებელი ერთობლივი დეკლარაციის დებულებები და თანამშრომლობის შესაძლო მიმართულებები განიხილეს. დაგეგმილია, რომ ევროკავშირთან თანამშრომლობა ისეთი მიმართულებებით გადრეკილულ, როგორებიც არის საზღვრის ეფექტური მართვა, იდენტიფიკაციის მონომობის უსაფრთხოება, მიგრაციის მართვა, შრომითი მიგრაცია, რეინტეგრაციის პროგრამები და მრავალი სხვა.

გადაწყდა, რომ შემდგომი კონსულტაციები უკვე თბილისში, ივნისის პირველ ნახევარში გაიმართება.

### მედიანიუსი

შეზღუდული პასუხისმგებლობის საზოგადოება "ალფა ბროკერიჯის" პარტნიორები აცხადებენ, რომ 2008 წლის 25 თებერვლის, შპს "ალფა ბროკერიჯის" პარტნიორთა კრების ოქმი N2009-1-ის საფუძველზე დაინყო კომპანიის ლიკვიდაციის პროცესი. "ალფა ბროკერიჯის" იურიდიული მისამართია: ქ. თბილისი, ჯანაშიას ქ N11. საკონტაქტო ტელეფონის ნომერი 895 135 135

# ნათოს მკაცრ პოზიციას რუსეთი მუხარით პასუხობს

### პირველი გვირგვინი

დოკუმენტში აღნიშნულია, რომ საქართველო და უკრაინა ალიანსში განეწვევებიან მას შემდეგ შეძლებენ, რაც ნატო-ს სტანდარტებს დააკმაყოფილებენ.

კომუნიკეში ასევე აღინიშნა, რომ ნატო-სა და საქართველოს ურთიერთობა გასული წლის განმავლობაში საგრძნობლად გაღრმავდა. ალიანსის წევრები მხარს უჭერენ საქართველოს დემოკრატიული რეფორმების გაგრძელებაში, მათ შორის - საარჩევნო და სასამართლო სისტემის სრულყოფის საკითხებში.

გარდა ამისა, ნატო-მ რუსეთს მოუწოდა, შეასრულოს ყველა ვალდებულება საქართველოსთან დაკავშირებით და შეცვალოს გადაწყვეტილება აფხაზეთისა და სამხრეთ ოსეთის დამოუკიდებლობის ცნობის შესახებ.

ეს კონტექსტში ჩვენ მნიშვნელოვან დოკუმენტს რუსული ძალების გასვლას იმ რაიონებიდან, საიდანაც მათი გაყვანის ვალდებულება რუსეთმა 12 აგვისტოსა და 8 სექტემბერს ხელმოწერილი შეთანხმებების თანახმად აიღო, - ნათქვამია კომუნიკეში. ალიანსის წევრებმა აღნიშნეს, რომ ნატო-ს ურთიერთობა რუსეთთან დამოკიდებული იქნება მის მიერ ნაკისრი ვალდებულებების პოზიციის მიხედვით.

ბის შესრულებაზე. ალიანსი მხარს უჭერს საქართველოს ტერიტორიულ მთლიანობას და მოითხოვს საერთაშორისო დამკვირვებლების დაშვებას ქვეყნის მთელ ტერიტორიაზე.

განცხადება იმის შესახებ, რომ რუსეთი საკუთარ ვალდებულებებს არ ასრულებს, სამიტის მსგეველობისას ლიტვის პრეზიდენტმა ვალდას ადამკუსმა გააკეთა.

თუ სიმართლეს თვალს ვუვსწორებთ, უნდა ვაღიაროთ, რომ რუსეთს საკუთარი ვალდებულებებიდან თითქმის არაფერი შეუსრულებია. მან ყურად არ იღო ჩვენი თხოვნა და მოწოდება - საქართველოში კონფლიქტი საერთაშორისო შეთანხმებების ფარგლებში მოეგვარებინა, - განაცხადა ადამკუსმა.

მან აღნიშნა, რომ რუსეთთან ალიანსის ურთიერთობის გაგრძელება სწორედ მოსკოვის მიერ ვალდებულებების შესრულებაზე უნდა იყოს დამოკიდებული.

ნატო-ს საიუბილეო სამიტის ისტორიული იყო და მასზე მიღებული დოკუმენტიც ისტორიული მნიშვნელობისაა, - განაცხადა დოკუმენტის კომენტარებისას საქართველოს სახელმწიფო მინისტრმა ევროპულ და ევროატლანტიკურ სტრუქტურებში ინტეგრაციის საკითხებში გიორგი ბარამიძემ.

მისი თქმით, სწორედ ამ გადაწყვეტილებას დაეფუძნება საქართველოს სამომავლო მოქმედება.

ეს გვაძლევს კიდევ უფრო მეტ ენთუზიაზმს და, ბუნებრივია - კიდევ უფრო მეტ იმედს, რომ საქართველო, მიუხედავად მრავალი სირთულისა, დაძლეოს ნინა-ალმდევობას და აუცილებლად გახდება ნატო-ს წევრი," - აღნიშნა ბარამიძემ.

ბარამიძის განცხადებით, საქართველოს აქვს კონკრეტული ამოცანები საქართველო-ნატო-ს სამომავლო ურთიერთობებთან დაკავშირებით.

ურთიერთობები თანამშრომლობის ეტაპიდან ინტეგრაციის ეტაპზე გადავიდა მას შემდეგ, რაც საქართველომ მიიღო წლიური სამოქმედო გეგმა, რომელიც MAP-ის ძირითადი შემადგენელი ნაწილია. ჩვენ ამ დოკუმენტზე მუშაობა დაწყებული გვაქვს, საბოლოო ვარიანტი კი უახლოეს ხანებში დამტკიცდება - სავარაუდოდ, აპრილის ბოლომდე, - განაცხადა ბარამიძემ.

ჩრდილოატლანტიკური ალიანსის პოზიციას ნატო-ში რუსეთის ელჩი დმიტრი როგოზინი გამოემართა. მისი თქმით, აგვისტოს ომის შემდეგ ალიანსის პოზიციამ ღრმა ცვლილებები მოხდა და საქართველო და უკრაინა უფრო შორს არიან ნატო-ს წევრობიდან,

## უბელავა ინიციატივა ოპოზიციისთვის მიუღებელია

### პირველი გვირგვინი

თავისთავად, დედაქალაქის მერის პირდაპირი წესით არჩევის ინიციატივას კონსერვატორი ზვიად ზიზიგური პროგრესულად მიიჩნევს. მაგრამ, მისი განმარტებით, კონტექსტი არასწორად არის შერჩეული. ეს ინიციატივა 9 აპრილის აქციის საპარტიო ვერ განიხილება, - შენიშნავს კონსერვატიული პარტიის წარმომადგენელი და ხელისუფლებას შეახსენებს, რომ საზოგადოების მოთხოვნა მიხეილ სააკაშვილის გადადგომის შესახებ ისევე ძალში რჩება.

იგივე მოსაზრებას გამოთქვამს ალიანსი თავისუფლების წევრი, ტრადიციონალისტთა კავშირის ლიდერი აკაკი ასათიანი.

ევროპული ფორუმის ერთ-ერთი ლიდერი ირაკლი მელაშვილის შეფასებით, ეს საკითხი ოთხი წლის წინათ იყო აქტუალური ანუ ხელისუფლებამ ოთხი წლით დაიგვიანა. ნარსულში ჩარჩენილი ხელისუფლება არც ოპოზიციასთან დიალოგისთვის არის მზად, - ასეთია მელაშვილის პოზიციის მიხედვით.

თავისი კოლეგების მსგავსად, ხელისუფლების მიერ დედაქალაქის მერის პირდაპირი წესით არჩევის ინიციატივას ალიანსი საქართველოსთვის წევრი, მემარჯვენე მამუკა კაციტაძეც არაადეკვატურს უწოდებს. კაციტაძის თქმით, 9 აპრილის წინ ამ ნინადადების გახმოვანება, უბრალოდ, ლიმილის მომგვრელია.

ხელისუფლება ქვეყანაში შექმნილი პოლიტიკური კრიზისის ადეკვატურად არ იქცევა. მთავარი პრობლემა სულ სხვა რამ არის და არა მერების არჩევის წესი. ხელისუფლება ცდილობს, ამ თემაზე საუბრით მთავარი პრობლემა მოხსნას. მერების პირდაპირი წესით არჩევა, რა თქმა უნდა, საჭიროა, მაგრამ ეს საკითხი მხოლოდ მას შემდეგ დადგება დღის წესრიგში, რაც ვადამდელი საპრეზიდენტო და საპარლამენტო არჩევნები ჩატარდება. 9 აპრილის წინ კი ეს ინიციატივა ლიმილის მომგვრელია, - განაცხადა მამუკა კაციტაძემ. მემარჯვენეების ერთ-ერთი ლიდერი შენიშნავს, რომ მი-

სი თანაგუნდელები წლების წინ მოითხოვდნენ მერების პირდაპირი წესით არჩევას, მაგრამ ხელისუფლებამ მათი გამოსვლა არ შეისმინა.

კაციტაძის შეფასებით, ხელისუფლება საერთაშორისო საზოგადოების დასანახად ქმნის დიალოგისა და თანამშრომლობისთვის მზადყოფნის იმიტაციას.

ხელისუფლება ამაოდ ცდილობს პოლიტიკური კრიზისის განმუხტვას. ეს შეუძლებელია, - აცხადებს ლეიბორისტული პარტიის ერთ-ერთი ლიდერი გიორგი გუგავა. ხელისუფლებას ან ხალხს ჰგონია ბრიყვი, ან თავს იბრიყვებს. რადგან საზოგადოების პროტესტის საფუძველი არის არა მერის არჩევის წესი, არამედ წლების განმავლობაში ხელისუფლების დანაშაულებრივი ქმედების შედეგად დაკარგული ტერიტორიები, გაჩანაგებული ეკონომიკა, უკანონობა, უმძიმესი სოციალური პრობლემები. ამ საპროტესტო ტალღას მერის პირდაპირი წესით დანიშვნა ვერ შეაჩერებს, - დასძინა გუგავამ.

## ოპოზიციის რეგიონებში

ლურმა მდივანმა ეკა ბესელიამ განაცხადა, რომ 9 აპრილს დანიშნული საპროტესტო აქციისთვის რეგიონებიდან მოსახლეობის ორგანიზებული ჩამოყვანა არ იგეგმება. ვისაც სურვილი ექნება, ის თბილისში თვითონ ჩამოვიდა და მინიფესტაციას შემოუერთდება. თავის მხრივ, ოპოზიციურმა პარტიებმა რეგიონებში უკვე შექმნეს საორგანიზაციო ჯგუფები და რუსთაველის გამზირზე დაგეგმილი მიტინგის პარალელურად, საპროტესტო აქციები რეგიონებშიც გაიმართება, - აღნიშნა ბესელიამ.

ლიამ. საქართველოს რეგიონებში საპროტესტო აქციების გამართვის მიზნებზე გაამახვილა ყურადღება კონსერვატიული პარტიის ერთ-ერთმა ლიდერმა კახა კუკუაძემ. ხელისუფლებას ექნება მცდელობა, რომ თბილისის მიმართულეებით ხალხის გადაადგილებას ხელი შეუშალოს. ამის ნიშნები უკვე საკმარისად არის, - განმარტა კუკუაძე.

ბოლო რამდენიმე დღის განმავლობაში არასაპარლამენტო ოპოზიციის წარმომადგენლები საქართველოს რეგიონების მოსახლეობას ინტენსიურად

### ვიდრე 5-6 წლის წინათ.

თუმცა, მან საქართველოს საკითხზე ალიანსის მიერ დაფიქსირებული პოზიციით გალიზიანება ვერ დამალა და აღნიშნა, რომ ამის გამო რუსეთი-ნატოს საბჭოს მუშაობა, რომელიც საქმიანობას, სავარაუდოდ, ზაფხულში განაახლებს, საკმაოდ რთული იქნება.

ზოგიერთი ქვეყანა აგვისტოში ჩვენი მტრის მხარეს დადგა, - განაცხადა როგოზინმა. იგი ალიანსის მიმართ კატეგორიული მოთხოვნებით გამოვიდა. უფრო გონივრული იქნებოდა, ნატო ორ სკამზე არ მჯდარიყო, როდესაც მათ, ერთი მხრივ, რუსეთი სჭირდებათ და, მეორე მხრივ, ვერ წყვეტენ კავკასიაში ჩვენი ქმედების კრიტიკას, - განაცხადა რუსეთის ელჩმა. როგოზინის თქმით, რუსეთი დაჟინებით მოითხოვს, რომ ნატო-მ შეწყვიტოს სააკაშვილის აგრესიული რეჟიმის მხარდაჭერა, რაც რუსეთი-ნატო-ს მომავალ მოლაპარაკებებს გაართულებს.

როგოზინი ალიანსს ღიად დაემუქრა: სააკაშვილის რეჟიმის დემონსტრაციული მხარდაჭერის გაგრძელებას შეიძლება სამხრეთ კავკასიაში ვითარების გართულება მოჰყვეს. მისი თქმით, პასუხისმგებლობა ამგვარ გართულებაზე სწორედ ალიანსის წევრებს დაეკისრება.

## ვიდრე 5-6 წლის წინათ.

გიგი უგულავას ინიციატივას გუშინ უმრავლესობის ლიდერებიც გამოეხმაურნენ. ისინი დედაქალაქის მერის ინიციატივას არ ეთანხმებიან. მაგალითად, ამ იდეას მხარს არ უჭერენ მიხეილ მაჭავარიანი, პავლე კუბლაშვილი და ნუგზარ წიკლაური.

ოპოზიციის შეფასებით კი, უმრავლესობის შიგნით ნინაალმდევობა არის ერთგვარი ხერხი, რომ ოპოზიციას ანკესზე წამოეგოს და ხელისუფლების წინადადებას დათანხმდეს. ოპოზიციური ძალების განმარტებით, წარმოუდგენელია, რომ ხსენებული ინიციატივა უგულავას პრეზიდენტ სააკაშვილთან შეთანხმების გარეშე გაეხმოვანებინა. მათთვის ასევე დაუჯერებელია, რომ უმრავლესობის ლიდერები სააკაშვილის წინააღმდეგ ნებივდნენ.

გიორგი ცვაგრიევილი მმართველ გუნდში ამ საკითხის გამო თითქოს უთანხმოების გაჩენას სიცრუეს უწოდებს. მისი განმარტებით, ხელისუფლებას სურს, აღნიშნული ინიციატივა დაბანტირებულად შეფუთოს.

### საკუთარი ინფორმაცია

გაზეთი "24 საათის" გამოცემაელი შპს "მეზა". რედაქტორ-გამომცემელი: მამუკა ფაჩუაშვილი, პაბატა მუხამიძე.

რედაქცია: სოფო კილაშვილი (რედაქცია), კახა ფაჩუაშვილი (საორტო). რედაქციის მისამართი: თბილისი, 01-86. ირაკლი გამრეკელი ქ.51. ტელ: 20-24-24, 31-91-03 (06, 07), 31-93-90 (91). ფაქსი: 31-93-86. ელ-ფოსტა: public@24hours.ge





# როგორ უნდა დაცვათ თავი

## ძალადობისგან

### აია მოსიაშვილი რუსთავიდან

ოჯახური ძალადობის სტატისტიკა მთელი მსოფლიოს მასშტაბით შემაშვითებელია. აშშ-ს გამოძიების ფედერალური ბიუროს მონაცემებით, ქვეყანაში ყოველწლიურად ორი ათასზე მეტი ადამიანი მოკლულია ოჯახის წევრის ან უახლოესი პარტნიორის მიერ და ეს ტენდენცია წლების მანძილზე უცვლელი რჩება. საქართველოში კანონი "ოჯახში ძალადობის აღკვეთის, ოჯახში ძალადობის მსხვერპლთა დაცვის და დახმარების შესახებ" წელიწადნახევარზე მეტია ძალაში შევიდა, თუმცა მისი არსებობა ბევრმა არც იცის.

ქართულ რეალობაში ოჯახური ძალადობის თემა, მართალია, აქტუალურია, თუმცა ბევრი მსხვერპლი ვერ ბედავს სასამართლოს მიმართოს ან უბრალოდ, არ იცის, რომ არსებობს კანონი, რომელიც მათ მოძალადისგან დაცვას.

კანონი ძალადობის აღსაკვეთად დამცავი და შემაკავებელი ორდერის გაცემის მექანიზმს იყენებს, რომლებსაც სასამართლო გამოსცემს და ამტკიცებს. უფლებამოსილი პირის მიერ გამოცემული შემაკავებელი ორდერი მისი გამოცემიდან 24 საათის განმავლობაში დასამტკიცებლად სასამართლოს წარედგინება. სასამართლო, წარედგინებ 24 საათის განმავლობაში, განიხილავს ორდერის მიზანშეწონილობის საკითხს და იღებს გადაწყვეტილებას მისი დამტკიცების ან დამტკიცებაზე უარის თქმის შესახებ.

საშინაო ძალადობის საქმეებში სასამართლო ინტერვენციის მიზნებია: ძალადობის შეწყვეტა; შეურაცხყოფილი მხარის დაცვა; ბავშვებისა და ოჯახის წევრების დაცვა; საზოგადოების დაცვა; მოძალადის პასუხისმგებლობის მიცემა; მოძალადის რეაბილიტაცია; შეურაცხყოფილი მხარისთვის ზარალის ანაზღაურება და რაც მთავარია, საზოგადოებრივი იმის თქმა, რომ საშინაო ძალადობა არ იქნება შეწყნარებული.

საქართველოში ახალი კანონის ამოქმედების შემდეგ არა ერთმა მსხვერპლმა მოახერხა მოძალადე ოჯახის წევრის ან პარტნიორისგან კანონიერად თავის დაცვა. სასამართლოებში ასეთი საქმეები ჯერჯერობით მცირეა, მაგრამ შემოგთავაზებთ ქართული მართლ-

მსაჯულების, კონკრეტულად, რუსთავის სასამართლოს მიერ განხილულ რამდენიმე პრეცედენტულ საქმეს.

### "გმადლობთ!" - სასამართლოში დატოვებული ჩანაწერი

მსხვერპლისა და მოძალადის ისტორია, რომელიც სასამართლომ განიხილა მამა-შვილს ეხება. მამის ძალადობისგან შეწუხებულმა გოგონამ საპატრულო პოლიცია გამოიძახა და მათთვის მიცემულ ახსნა-განმარტებში განაცხადა: "ვცხოვრობ დედის სახელზე გაფორმებულ ბინაში. მამაჩემი დედასთან ოფიციალურად არის განქორწინებული. მამა ამოვიდა სახლში და ჯერ სიტყვიერი, შემდეგ კი ფიზიკური შეურაცხყოფა მომაყენა. გამარტყა სახეში, რის შემდეგაც გამოვედი სახლიდან და პატრული გამოვიძახე. მამის მხრიდან მსგავს ქმედებებს სხვა დროსაც ჰქონდა ადგილი. რამდენჯერმე გაფართობილ კიდეც, რომ შესაბამის ზომებს მივიღებდი და გამოვიძახებდი საპატრულო პოლიციას."

პატრულმა შემაკავებელი ორდერი ადგილზე შეადგინა და დასამტკიცებლად სასამართლოში გადააგზავნა.

სასამართლო სხდომაზე გამოცხადებული მამა ნაწილობრივ დაეთანხმა შვილის ბრალდებებს, თუმცა განმარტა, რომ კონფლიქტის მიზეზი თავად ქალიშვილის ქცევა გახდა, რომელიც საკმაოდ აგრესიულად იყო განწყობილი მამის მიმართ. მამამ განაცხადა, რომ შვილის რთული ხასიათის გამო ერიდება მასთან ურთიერთობას და დროის უმეტეს ნაწილს თავის კუთვნილ კომერციულ ფართში ატარებს, სახლში კი, სადაც შვილი ცხოვრობდა, მხოლოდ მოსანესრიგებლად და საქმელად მიდიოდა.

რუსთავის სასამართლომ დადასტურებულად მიიჩნია, რომ ადგილი ჰქონდა მამის მხრიდან შვილზე, ანუ მსხვერპლზე ფსიქოლოგიურ და ფიზიკურ ძალადობას. მოსამართლემ დამტკიცა მოძალადეზე გაცემული შემაკავებელი ორდერი და მას 10 დღის განმავლობაში აეკრძალა ის სახლთან მიახლოვება, სადაც შვილი ცხოვრობდა. თავის მხრივ, მსხვერპლს მიეცა 10-დღიანი ვადა დამცავი ორდერის მიღების შესახებ სასამართლოში განცხადების შესატანად. მხარეებს განემარტათ, რომ მხარეთა შერიგება არ აუქმებს შემაკა-

ვებელ ორდერს, თუ ოჯახში ძალადობის ფაქტი ლახავს სხვა წევრთა, განსაკუთრებით კი, შვილების ინტერესებს.

აღსანიშნავია, რომ სასამართლოს მიერ განხილულ საქმეში დარჩა მამის მსხვერპლი შვილის ჩანაწერი, რომელიც მან სხდომის ბოლოს ნაიკითხა:

"სასამართლოს ეს გადაწყვეტილება ჩემთვის უალრესად მნიშვნელოვანია, ვინაიდან, წლები დამჭირდა გავთავისუფლებულიყავი და თავიდან ამეშორებინა ის დამთრგუნელი და არაადამიანური გრძნობა, რომელიც მსხვერპლს მუდამ თან სდევს. გმადლობთ!"

### ორდერი მოძალადე ქმრისთვის

რუსთავის სასამართლომ კიდევ ერთი საქმე განიხილა. ნ.ნ. და ნ.ლ. არარეგისტრირებულ ქორწინებაში იმყოფებოდნენ. ერთად ცხოვრებისას შვილი შეეძინათ, თუმცა მალევე დაშორდნენ და ქალი მშობლების სახლში გადავიდა საცხოვრებლად. ყოფილმა მეუღლემ, რომელიც ნასვამი იყო, ცოლს მიაკითხა და შერიგებას სთხოვა, რაზეც უარი მიიღო. განაწყენებულმა კაცმა ქალს ხმაველი ყვირილი და გინება დაუწყო. ემუქრებოდა, თუ არ შემირიგდები, არ მოგასვენებ, ყოველდღე მოვალ. შემდეგ მან ქალს ფიზიკური შეურაცხყოფაც მიაყენა. მსხვერპლი იძულებული გახდა საპატრულო პოლიციისთვის მიემართა.

სასამართლო სხდომაზე გამოცხადებული მოძალადე ნაწილობრივ დაეთანხმა პატრულის მიერ გაცემულ შემაკავებელ ორდერში მოთხოვნილ გარემოებებს, თუმცა განაცხადა, რომ ნასვამი იყო, შერიგების მიზნით მივიდა ყოფილ მეუღლესთან, რომლის უარმაც ისე განაწყენა, რომ თავი ვერ შეიკავა უცენზურო გამოხატვებისგან. ცემის ფაქტი კი უარყო.

სასამართლომ გაცემული საქმის მასალებს, მოუსმინა მხარეთა ახსნა-განმარტებებს და დაადგინა, რომ ადგილი ჰქონდა ფსიქოლოგიურ და ფიზიკურ ძალადობას მსხვერპლის მიმართ, ანუ შემაკავებელი ორდერის შედგენისას არსებობდა ყველა ის გარემოება, რაც მას საფუძვლად დაედო.

სასამართლომ დაამტკიცა პატრულის მიერ გამოცემული შემაკავებელი ორდერი და მოძალადე ყოფილ ქმარს 30 დღის განმავლობაში აეკრძალა იმ სახლთან მი-

ახლოება, სადაც მსხვერპლი ცხოვრობდა. თავად მსხვერპლს კი 30-დღიანი ვადა მიეცა სასამართლოში დამცავი ორდერის მიღების შესახებ განცხადების შესატანად. თუ მსხვერპლი ამ ვადაში დამცავ ორდერს არ მოითხოვს, შემაკავებელი ორდერის მოქმედება 30 დღეში შეწყდება.

### დავა რძალ-დედამთილს შორის

რძალ-დედამთილს შორის მიმდინარე დავის გამო, დედამთილმა სასამართლოს დამცავი ორდერის გაცემაზე განცხადებით მიმართა. განცხადებაში მითითებული იყო, რომ რძლის დამოკიდებულება დედამთილის მიმართ არის აგრესიული, აყენებს სიტყვიერ და ფიზიკურ შეურაცხყოფას. დედამთილს ამის გამო სახლიდან ნასვლა და ღამის გათევა ნათესავებთან უწევს. ნათესავთან თავშეფარებულ დედამთილს რძალმა მიაკითხა და კვლავ მიაყენა შეურაცხყოფა. ხანდაზმულ ქალს ნერვიულობის გამო წნევამ აუწია და სასწრაფოს გამოძახება გახდა საჭირო. ნათესავები ამ ინციდენტის მოწმეები გახდნენ.

სასამართლომ დედამთილის განცხადება ხარვეზების გამოხსორების შემდეგ წარმოებაში მიიღო და მისი განხილვა დახურულ სასამართლო სხდომაზე დაინშნა.

სხდომაზე ორივე მხარე გამოცხადდა. რძალი არ დაეთანხმა განცხადებაში მოყვანილ ფაქტებს და წარადგინა სამედიცინო ცნობა, რომლის მიხედვითაც, დედამთილს ფსიქიკური მდგომარეობის გამო სისტემატიური მკურნალობა ესაჭიროებოდა. მისი განმარტებით, მას დედამთილისთვის არასოდეს მიუყენებია ფიზიკური შეურაცხყოფა და არც ბინაში ცხოვრება აუკრძალავს.

სასამართლომ საქმის მასალების შესწავლის შემდეგ დამცავი ორდერის გაცემის შესახებ გადაწყვეტილება მიიღო. დადასტურდა, რომ რძლის მხრიდან დედამთილზე მართლაც ჰქონდა ადგილი ფიზიკურ და ფსიქოლოგიურ ძალადობას, ასევე საკუთრებით სარგებლობის ხელშეშლას. რძალი მიჩნეულ იქნა მოძალადედ, მასზე გაიცა დამცავი ორდერი სამი თვის ვადით და აეკრძალა დედამთილზე რაიმე სახის ძალადობა ან ბინით სარგებლობის შეზღუდვა.

### მკვლელობა ნაბაკევი

2 აპრილს გალის რაიონის სოფელ ნაბაკევი აფხაზი სეპარატისტების მიერ დახვრეტილი 40 წლის ელგუჯა ბერაის მკვლელობის მოტივად შურისძიება სახელდება.

"პრესა.გე"-ს ინფორმაციით, ადგილობრივი მოსახლეობა აფხაზების მხრიდან ელგუჯა ბერაიაზე შურისძიების ფაქტს 2008 წლის ზაფხულში სოფელ ნაბაკევის ცენტრში მომხდარ აფეთქებას უკავშირებს, რომლის დროსაც ოთხი აფხაზი მილიციელი "უაზის" ტიპის სამხედრო ავტომანქანაში ყუმბარმტყორცნიდან მომხდარი სროლის შედეგად აფეთქდა. ამ ინციდენტს მსხვერპლი არ მოჰყოლია, თუმცა აფხაზი მილიციელები მძიმედ დაიჭრნენ. მათ შორის ერთი გალის მილიციის თანამშრომელი დევი ბუაჯა იყო. როგორც ირკვევა, დევი ბუაჯა აფეთქების ავტორად ელგუჯა ბერაიასა და ყოფილ პარტიზანს ვია როსტობაიას მიჩნეულა. სწორედ, ეს გახდა შურისძიების მიზეზიც.

ამ ამბის შემდეგ აფხაზეთის მილიციამ სოფელ ნაბაკევი ე.წ წმენდა ჩაატარა და სოფლის ოთხი მაცხოვრებელი - ავთო ეხვავია, რეზო ძიგუა, ზურაბ თორია და გოჩა ბერაია დააკავეს. ადგილობრივი მოსახლეობის ინფორმაციით, შემდეგ გაიკვავა, რომ გოჩა ბერაია, შეცდომით, თავისი ძმის ელგუჯა ბერაის მაგივრად დაუკავებიათ და აფხაზემა იგი რამდენიმე დღის ტყვეობისა და გამოსასყიდის გადახდის შემდეგ, სხვა დაკავებულებთან ერთად გაათავისუფლეს.

ძმის გათავისუფლების შემდეგ ბერაია თვეების განმავლობაში სხვადასხვა პირების საშუალებით ცდილობდა ბუაჯას დარწმუნებას იმაში, რომ აფეთქებასთან კავშირი არც მას და არც როსტობაიას არ ჰქონია. ელგუჯა ბერაია ამიტომაც არიდებდა თავს საკუთარ სახლში გამოჩენას. იგი მოუღელესა და შვილებთან ერთად ზუგდიდში ცხოვრობდა. 2 აპრილს კი ნაბაკევი მხოლოდ იმიტომ გადავიდა, რომ მარტოხელა დედას ოჯახურ საქმეებში დახმარებოდა. როგორც ჩანს, აფხაზურმა მილიციამ ბერაიას გადასვლის ამბავი შეიტყო. 2 აპრილს, საღამოს 9 საათზე ხუთი შეიარაღებული პირი მათ ოჯახს თავს დაესხა. როგორც თვითმხილველები იხსენებენ, დაახლოებით 10 წუთში ელგუჯა ბერაია იარაღის მუქართა და ძალის გამოყენებით სახლიდან გაიყვანეს და ავტომატის ჯვრით დაცხრილეს. ცხედარი პირველმა მოკლულის დედამ ნახა.

არაოფიციალური ინფორმაციით, ელგუჯა ბერაია დევი ბუაჯამ მოკლა. მკვლელობა მოხდა გალის რაიონში. იგი შერეული, აფხაზურ-რუსული ენის მკვლელობის კრიმინალური დაჯგუფების წევრებმა მოკლეს.

გავრცელებული ინფორმაციით, ელგუჯა ბერაია წარსულში პარტიზანი იყო.

მედიაინუსი

### შალვა რამიშვილი შეწყალებას არ ელოდება

ტელეკომპანია 202"-ის დამფუძნებლის შალვა რამიშვილს საპატიმრო ვადის ამოწურვამდე 5 თვე დარჩა. როგორც მისი ოჯახის წევრები აცხადებენ, პირობით ვადამდელ გათავისუფლებაზე აღარ ნერვიულობენ.

ორი წლის წინ კომისიამ განიხილა შალვა რამიშვილის საკითხი. მიუხედავად იმისა, რომ მათთვის წერილობით არ მიუშვარდავს. განიხილეს, შეწყალეს, თუმცა პრეზიდენტი ხელს არ აწერს. ვიცი ელენე თევდორაძისგან, რომ რამიშვილი კომისიის სიაში ავტომატურად ყოველთვის არის, მაგრამ მას ამ სიიდან ყოველთვის იღებენ. შალვაც წინააღმდეგია შეწყალების. ამ საკითხზე მრავალჯერ მიმართა პრეზიდენტს, რომ არ გაბეღოს მისი შეწყალება," - განაცხადა პატიმრის მეუღლემ თეა აბაშმაძემ. რაც შეეხება პირობით ვადამდელ გათავისუფლებას, მისივე თქმით, ეს უკვე ერთი წელია კანონით ეკუთვნის და არ აკმაყოფილებენ. პირობით გათავისუფლებაზე ძალიან ცინიკური პასუხები აქვთ. მის გამო, რომ იგი არ აღიარებს ბრალს, კომისია უარს ამბობს მის გათავისუფლებაზე. ხუთი თვე დარჩა, ამიტომ ოჯახი ვადამდელ გათავისუფლებაზე აღარ ნერვიულობს," - ამბობს თეა აბაშმაძე. მისივე თქმით, ოპოზიცია ხელისუფლებასთან დიალოგის დასაწყებად შალვა რამიშვილის გათავისუფლებას მოითხოვს.

შალვა რამიშვილი 2005 წლის 27 აგვისტოს დააკავეს და 4 წლით თავისუფლების აღკვეთა მიუსაჯეს. მას ბრალად ედება მაშინდელი პარლამენტის წევრის კობა ბექაურისთვის 30 ათაის აშშ დოლარის გამოძალვა.

მედიაინუსი

## საჭარო რეისტრის გაუმჯობესებელი სისტემა

საქართველოს ოუსტიციის სამინისტროს საჯარო რეესტრის ეროვნულმა სააგენტომ შიდა საკომუნიკაციო სისტემის გაუმჯობესების მიზნით, ყველა სარეგისტრაციო სამსახურში IP ტელეფონების სისტემის დანერგვა დაიწყო. სააგენტოს ყველა თანამშრომელი უკვე ინდივიდუალური IP ტელეფონით ისარგებლებს.

აღნიშნული სერვისის მეშვეობით გამარტივდება ტერიტორიულ სარეგისტრაციო სამსახურის თანამშრომლებს შორის სატელეფონო კავშირი, რაც სააგენტოს შიდა კომუნიკაციას და შესაბამისად, მოქალაქეთა მომსახურებას ბევრად უფრო სწრაფს და ეფექტურს გახდის.

გარდა ამისა, IP ტელეფონების დანერგვა ხელს შეუწყობს სააგენტოს ფინანსების დაზოგვას, შემცირდება საქალაქთაშორისო საუბ-

რებისა და კორპორაციული ნომრების გადასახადები.

მას შემდეგ, რაც საჯარო რეესტრში ელექტრონული პროგრამების დანერგვა დაიწყო, საჭირო გახდა სააგენტოს შიდა საკომუნიკაციო ქსელის გაუმჯობესება, ვინაიდან სააგენტოს ტერიტორიულ სარეგისტრაციო სამსახურის თანამშრომლებს შორის ხშირად იქმნებოდა სატელეფონო კავშირის პრობლემა. გარდა ამისა, საკმაოდ მაღალი იყო გადასახადის რაოდენობაც. სააგენტოს სარეგისტრაციო სამსახურები საქართველოს 65 ქალაქსა და რაიონში ფუნქციონირებს.

2009 წლის ივლისამდე დაგეგმილია IP ტელეფონების დანერგვა ყველა ტერიტორიულ სარეგისტრაციო სამსახურში.

რამდენიმე წელია საჯარო რეესტრში მნიშვნელოვანი ტექნოლოგიური რევიზია მიმდინარეობს, რა-

მაც საშუალება მოეცა, მოქალაქეთათვის მომსახურების ახალი, ეფექტური სერვისები შეევეთავაზებინა. ამის მიღწევა საკმაოდ გაგვიჭირდებოდა, თუკი შიდა სამსახურებრივი საქმიანობა არ იქნებოდა გამართული და მოდერნიზებული. ამიტომ, შიდა საქმიანობის ოპტიმიზაციის პირველ ეტაპზე თანამედროვე საინფორმაციო ტექნოლოგიების დანერგვა დაიწყო, რამაც მნიშვნელოვნად გაუმჯობესა სააგენტოს მმართველობითი საქმიანობა, - აცხადებს საჯარო რეესტრის ეროვნული სააგენტოს თავმჯდომარე სოსო ნიქარიშვილი. მისივე განმარტებით, გარდა IP ტელეფონებისა, სააგენტოს შიდა კომუნიკაციის გაუმჯობესებისათვის სხვადასხვა პროგრამების დანერგვა: შემუშავდა მომხმარებელთა მხარდაჭერის სისტემა (help desk), რომელიც დღეისათვის ერთიან კომპიუტერულ ქსელში ჩართულ

55 სარეგისტრაციო სამსახურსა და სააგენტოს ცენტრალურ ოფისში მოქმედებს; დანერგა ასევე ინვენტარიზაციის პროგრამული უზრუნველყოფა, რომელშიც აღირიცხება სააგენტოში არსებული ინვენტარი; მნიშვნელოვანია ასევე კადრების პროგრამული უზრუნველყოფა, რომელშიც აისახება თანამშრომელთა შესახებ დეტალური ინფორმაცია.

სულ ცოტა ხნის წინ სააგენტოში კანცელარიის პროგრამაც ამოქმედდა, რომელშიც უკვე 44 ტერიტორიული სარეგისტრაციო სამსახურია ჩართული. აღნიშნული პროგრამის საფუძველზე შეიქმნა დოკუმენტთა ერთიანი ბაზა, დაიხვეწა საჭირო პროცედურები და ეფექტური გახდა, როგორც თავად კანცელარიის, ასევე მთლიანად სააგენტოს მმართველობითი საქმიანობა.

24 საათი

ჯე-იჩ-ენი

### ახალი ციხის მშენებლობა დაიწყო

ქსანში დაწყებულ ახალი დაწესებულების მშენებლობის სასჯელალსრულების, პრობაციისა და იურიდიული დახმარების საკითხთა მინისტრი დიმიტრი შაშკინი დაესწრო. ახალი კომპლექსისთვის განკუთვნილი ტერიტორია ძველი, ამორტიზებული ნაგებობისგან გათავისუფლდება. დაახლოებით ერთ კვირაში კი უშუალოდ სამშენებლო სამუშაოები დაიწყება.

ახალი კომპლექსი სასჯელალსრულების (დაბა ქსანი) N7 საერთო და მკაცრი რეჟიმის ამჟამად მოქმედი დაწესებულების მიმდებარე ტერიტორიაზე 29 ათასი კვ.მ გაშენდება. მშენებლობა დაახლოებით წელიწადნახევარი გაგრძელდება. ახალი კომპლექსი ამჟამად მოქმედ დაწესებულებას შეცვლის. ის 2 050 საცხოვრებელ ადგილზეა გათვლილი. კომპლექსში შედის სამი საცხოვრებელი და ერთი ადმინისტრაციის კორპუსი. დაწესებულების ტერიტორიაზე განთავსდება რამდენიმე სასპორტო მოედანი.

ახალი დაწესებულება თანამედროვე სტანდარტების შესაბამისად აიგება. პროექტში გათვალისწინებულია თანამედროვე სტანდარტების უსაფრთხოებისა და კომუნიკაციების სისტემები. საცხოვრებელი ოთახების ტევადობა იქნება ორიდან რვა. ყველა ოთახს ექნება სველი წერტილი (ხელსაბანი), საპირფარეო, ვინტილაცია და სათავსოები. დაწესებულების კომპლექსში გათვალისწინებულია რამდენიმე პალატიანი სამედიცინო ნაწილი (მსუბუქი ავადობისა და პირველადი დახმარებისთვის).

აღნიშნული მშენებლობა ბიუჯეტიდან 10 მილიონი ლარით დაფინანსდება.

ჩვენ გავითვალისწინებთ შენიშვნა სახალხო დამცველის, პარლამენტის, არასამთავრობო სექტორის და პროექტი საერთაშორისო სტანდარტებთან შესაბამისობაშია. ზუსტად ერთ წელიწადში ძველი ციხის ნაცვლად აქ იქნება აშენებული სასჯელალსრულების ახალი დაწესებულება ყველა საერთაშორისო სტანდარტის შესაბამისად. გვაქვს იმედი, რომ სასჯელალსრულების დაწესებულება არ იქნება დასჯული დამნაშავეებით შევსებული," - განაცხადა დიმიტრი შაშკინმა.

ქსანის N7 კოლონია საბჭოთა პერიოდში - 1957 წელს არის აშენებული.

მედიანუსი

### 66 წლის მამაკაცი გარდაცვლილი იპოვეს

გუშინ სამართალდამცველებმა ნუცუბიძის დასახლებაში 66 წლის გენო სორდია გარდაცვლილი იპოვეს. სორდიას გარდაცვალების მიზეზი ამ დრომდე უცნობია, თუმცა, გარდაცვლილის ბინაში შესულ მეზობლებს ბუნებრივი აირი გაშვებული დახვდათ.

წინასწარი ინფორმაციით, იგი ფულის გამოძალვის მიზნით მოკლეს. როგორც ახლობლები ირწმუნებიან, გარდაცვლილს სახლში 11 ათასი ამერიკული დოლარი ჰქონდა, რომელიც თურქეთში, ძმისთვის უნდა გაეგზავნა. მეზობლების მტკიცებით, მკვლელობა ამ თანხას უკავშირდება. მათი განცხადებით, სორდიას ბინიდან ბუნებრივი აირის მკვეთრი სუნი იგრძეს და სასწრაფო სამედიცინო დახმარება გამოიძახეს. ექიმებმა სახლში შესვლა ფანჯრიდან მოახერხეს, თუმცა, გენო სორდია უკვე გარდაცვლილი აღმოჩნდა.

შემთხვევის ადგილზე მივიდნენ კრიმინალური და საპატრულო პოლიციის თანამშრომლები. სამართალდამცველთა ვარაუდით, სორდიას თავში ჯერ ბლაგვი საგანი ჩაარტყეს, შემდეგ კი, დანაშაულის კვალის დასაფარად, შენობაში ბუნებრივი აირი გაუშვეს.

საქმეს ვაკე-საბურთალოს შინაგან საქმეთა სამმართველო იძიებს.

პირველი

### სირიის მოქალაქე ობამაზე თავდასხმას გეგმავდა

თურქეთის სპეცსამსახურებმა სტამბოლში ამერიკის შეერთებული შტატების პრეზიდენტზე დაგეგმილი თავდასხმა აღკვეთეს. ამის შესახებ ინფორმაციას საგენტო რია ნოვოსტი" თურქეთის მედიაზე დაყრდნობით ავრცელებს.

სააგენტოს ინფორმაციით, ტერაქტი ობამას თურქეთში ვიზიტისას უნდა მომხდარიყო, სადაც აშშ-ის პრეზიდენტი ცივილიზაციის ალიანსის სამიტში მონაწილეობის მისაღებად სამშაბათს, 7 აპრილს ჩავა.

სპეცსამსახურებმა სირიის მოქალაქე დააკავეს, რომელმაც დანაშაული უკვე აღიარა და განაცხადა, რომ იგი სამიტზე შედევას ტელეკომპანია ალ-ჯაზირას" კორესპონდენტის სახელით გეგმავდა და ობამას სიტყვით გამოსვლისას, მისთვის დანის სროლას აპირებდა.

ანკარასა და სტამბოლში უსაფრთხოების გაძლიერებული ზომებია მიღებული. თურქეთში აშშ-ს პრეზიდენტის ვიზიტი გუშინ საღამოს დაიწყო. სტამბოლში თეთრი სახლის ადმინისტრაციის ხელმძღვანელის დასაცავად 9 ათასამდე სამართალდამცველია მობილიზებული.

ჯი-ეი-ენი

## ავსტრიელი მანიაკის აღიარება

დავიბადე, რომ ვყოფილიყავი მოძალადე



დანაშაული, რომელმაც თავისი სისასტიკით მთელი მსოფლიო შეძრა და რომელიც საუკუნის დანაშაულად მოინათლა, სასამართლომ ოთხ დღეში განიხილა. ყველა ბრალდებაში დამნაშავეა, - ამ ვერდიქტის გამოტანისთვის რვაკაციან ნაფიც მსაჯულთა ჟიურის სულ რამდენიმე წუთი დაჭირდა. სამუდამო პატიმრობა - ასეთი განაჩენი გამოუტანა ავსტრიის სასამართლომ საუკუნის მანიაკად წოდებულ 73 წლის იოზეფ ფრიცლს, რომელსაც 24 წლის განმავლობაში საკუთარი ქალიშვილი, ელიზაბეტი საცხოვრებელი სახლის ბნელ და ნესტიან სარდაფში ჰყავდა დატყვევებული. ამ წლებში განმავლობაში, ელიზაბეტმა მამისგან შვიდი შვილი გააჩინა, რომელთაგან ერთ-ერთი, დაბადებიდან რამდენიმე დღეში, ჰაერის უკმარისობით გარდაიცვალა.

ცესზე ის და მისი შვილები არც დაზარალებულის და არც მონამის სტატუსით არ დაიკითხებოდნენ.

ელიზაბეტსა და მის ექვს შვილზე მზრუნველობა სახელმწიფოს აქვს აღებული. ისინი ძველი საცხოვრებელი სახლიდან მოშორებით გადაიყვანეს საცხოვრებლად და ვინაობა შეუცვალეს. დედა და შვილები ექიმების მუდმივი მეთვალყურეობის ქვეშ იმყოფებიან და მათ სპეციალური დაცვაც გამოუყვეს.

გუნჯვარ ჩემი საქციელის გამო, თუმცა, უკვე არაფრის შეცვლა აღარ შემიძლია, ნაყენებულ ყველა ბრალდებაში თავს დამნაშავედ ვცნობ, - განაცხადა ბოლო სიტყვაში მანიაკმა. ის შეეცადა ნაფიცი მსაჯულებისთვის თავი შეეცოდებინა და საკუთარი ბავშვობის მძიმე ისტორიებზე ისაუბრა.

სასამართლო პროცესზე მთავარ მტკიცებულებად გამოქვეყნდა განსასჯელის შვილის ელიზაბეტ ფრიცლის ჩვენებები, რომლებიც საქმის წინასწარი გამოძიებისას იყო ვიდეოფირზე ჩანერილი. ნაფიცი მსაჯულები ჩანაწერებს 11 საათის განმავლობაში ისმენდნენ. ასევე მთავარ მტკიცებულებად, სასამართლოზე წარმოდგენილი იყო მანიაკის შვილის დღიურები, რომელსაც ის 24 წლის განმავლობაში, მოძალადისგან ფარულად წერდა. ელიზაბეტის დღიურებში დეტალურად არის აღწერილი მრავალწლიანი ტყვეობის თითქმის ყოველი დღე. ელიზაბეტი წერს, როგორ ახორციელებდა ძალადობას და აუპატიურებდა მას მამა საკუთარი შვილების თანდასწრებით, წინააღმდეგობის განევის შემთხვევაში, როგორ ემუქრებოდა და ამინებდა სარდაფში დანვით.

ელიზაბეტი ჩანაწერებში დეტალურად აღწერს მეშვიდე შვილის, მიქაელის დაბადებას და გარდაცვალებას. მისი თქმით, ბავშვი ჰაერის უკმარისობით გარდაიცვალა იმის გამო, რომ იოზეფ ფრიცლმა მის გადასარჩენად და სამედიცინო დახმარების გასაწევად არაფერი იღონა.

მამაჩემმა გარდაცვლილ ბავშვს კრემაცია თავად ჩაუტარა. ის გაზის თივად ღუმელში დანვა, - წერს ელიზაბეტი. მისივე მონაყოლის მიხედვით, სარდაფი სავესე იყო ვირთხებით

და მას საკუთარი ხელებით უნევედა მათთან ბრძოლა. ყველაზე გაუსძლიის კი ბნელ და ნესტიან სარდაფში ყოფნა ზაფხულის თვეებში იყო.

მე და ჩემი შვილები დღეებს და საათებს ვითვლით ზამთრის მოსვლამდე. აქ ისეთი სიცხეა, სიკვდილი გვინდა, - ასეთია ერთ-ერთი ჩანაწერის შინაარსი. ტირანი - ასე ახასიათებს დღიურებში საკუთარ მამას ელიზაბეტმა. როგორც გაირკვა, იოზეფ ფრიცლი საკუთარ შვილს 11 წლის ასაკიდან აუბატიურებდა და როგორც კი არასრულწლოვანმა ელიზაბეტმა სახლიდან გაქცევა გადაწყვიტა, ის მამამ სარდაფში ჩაეკეტა.

უკვე 42 წლის ელიზაბეტის ისტორია 2008 წლის აპრილში გახდა ცნობილი, როდესაც მისი უფროსი ქალიშვილი კერსტინი ავად გახდა. კომპი ჩავარდნილი 19 წლის გოგონა მზრუნველმა ბაბუამ საავადმყოფოში წაიყვანა. ექიმებმა მისი დიაგნოზის დადგენა ვერ შეძლეს და ავადმყოფის დედის ნახვა კატეგორიულად მოითხოვეს. იოზეფ ფრიცლი იძულებული გახდა, ელიზაბეტი სარდაფიდან ამოეყვანა და საავადმყოფოში მიეყვანა. სწორედ ამ ფაქტის გამო აეხადა ფარდა იოზეფ ფრიცლის მრავალწლიან საიდუმლოს - ელიზაბეტმა ექიმებთან ოჯახური ტრაგედია გათქვა.

ელიზაბეტის სამი შვილი, ლიზა, მონიკა და ალექსანდრე, რომლებიც ახლა 16, 14 და 12 წლისები არიან, მზრუნველმა ბაბუამ სარდაფიდან ძალზე პატარები ამოიყვანა და სახლში ზრდიდა.

ადრეულ ასაკში ოჯახიდან გაქცეულმა ჩემმა ქალიშვილმა ისინი უპატრონოდ დატოვა, მე მივაგენი მათ ადგილსამყოფლს და მათზე მეურვეობა ავიღე, - ასე აუხსნა იოზეფ ფრიცლმა მეზობლებსა და ახლობლებს ოჯახში ბავშვების გამოჩენა. მეუღლეს, როზა-მარია ფრიცლს კი უთხრა, რომ მათი გოგონა, რომელიც სახლიდან იყო გაქცეული, გაურკვეველ სექტაში განეწვინა და მშობლების დანახვაც არ სურდა. დედას გოგონას მოსაძებნად არაფერი უღონია.

19 წლის კერსტინმა, 18 წლის შტეფანმა და 5 წლის ფელიქსმა გათავისუფლებამდე, მთელი

ცხოვრება სარდაფში გაატარეს. ტყვეობიდან გათავისუფლების შემდეგ, ელიზაბეტ ფრიცლს და მის სამ შვილს ხანგრძლივი, რთული გამოკვლევები და მკურნალობა ჩაუტარდათ.

გარდა კონკრეტული დაავადებებისა, მათ პოსტტრავმული მდგომარეობა და სტრესი აქვთ, რასაც კიდევ ხანგრძლივი მკურნალობა და მეთვალყურეობა სჭირდება, - აცხადებენ ექიმები. ექიმების განმარტებით, დაზარალებულების მორალური მდგომარეობა ახლაც რთულია.

ელიზაბეტი ნამდვილი გმირია. ის დედობრივმა ინსტიქტებმა გადაარჩინა, - ასეთია ექიმების დასკვნა.

რამდენიმე დღის წინ, ერთ-ერთმა მდიდარმა კომპანიამ ელიზაბეტს 7 მილიონი დოლარი შესთავაზა თოქ-შოუებსა და ფილმებში მონაწილეობის სანაცვლოდ, რაზეც ელიზაბეტმა კატეგორიული უარი განაცხადა.

არა, გამდლობთ, გთხოვთ, თავი დაგვანებოთ, - ასეთი იყო მანიაკის შვილის პასუხი.

დავიბადე, რომ ვყოფილიყავი მოძალადე, - ეს განცხადება იოზეფ ფრიცლმა საქმის წინასწარი გამოძიებისას გააკეთა. მას სურდა საკუთარი ჩვენებების ოქმები საკმაოდ სოლიდურ თანხად გაეყიდა.

იოზეფ ფრიცლს ავსტრიული კანონმდებლობა უფლებას აძლევდა, თავად ამოერყინა ციხე, სადაც სასჯელი უნდა მოხადოს. სასამართლომ მას სამი ვარიანტი შესთავაზა. მსჯავრდებულმა გამოსასწორებელი დაწესებულება, გარსტენის ციხე ამოირჩია, რომელიც მოთავსებულია ქალთა მონასტრის ყოფილ შენობაში, მის მშობლიურ ქალაქ ამშტეტენიდან ნახევარი საათის სავესე გზაზე.

როგორც ავსტრიული პრესა წერს, აქ ფრიცლი საკმაოდ კომფორტულად იცხოვრებს, რადგან ამ დაწესებულებაში ფუნქციონირებს ტრენაჟორების დარბაზი, ჩოგბურთის კორტები, დიდი ბიბლიოთეკა. გარდა ამისა, გარსტენის ციხეში მოთავსებულ მსჯავრდებულებებს უფლება აქვთ, შეისწავლონ უცხო ენები, იმღერონ ადგილობრივ გუნდთან ერთად და ისწავლონ სხვადასხვა ხელობა.

# ევროკავშირის რაკეტსაწინააღმდეგო სისტემები განთავსდება

პირველი გვირგვინი

აშშ-ს პრეზიდენტი ალნიშნა, რომ ასეთი ნაბიჯები პროვოკაციულია და ჩრდილოეთ კორეის კიდევ უფრო მეტად იზოლირებას გამოიწვევს.

გარდა ამისა, ევროკავშირის წევრი ქვეყნების ლიდერთა სამიტზე, გეგმის თანახმად, ობამა გლობალურ დათბობასა და ენერჯეტიკის პრობლემებზე ისაუბრებს.

როგორც პრეზიდენტის სამიტზე გამოსვლის წინ თეთრ სახლში აცხადებენ, ობამას ადმინისტრაციას ბირთვული იარაღის გამოცდის საერთო აკრძალვის შესახებ შეთანხმების პროექტზე იმუშავებს.

**"იმის გათვალისწინებითაც კი, რომ ცივი ომი დასრულდა, ბირთვული იარაღის გავრცელებამ ან მის დასამზადებლად მასალების მოპარვამ შესაძლოა, პლანეტის ნებისმიერი ქალაქის განადგურებამდე მიგვიყვანოს,"** - განაცხადა აშშ-ს პრეზიდენტმა.



## ფხენიანის რაკეტები

### იაპონია გაერო-ს უშიშროების საბჭოს მონვენას ითხოვს

მარია იაშვილი

ცნობა, რომ ოფიციალურმა ფხენიანმა ბალისტიკური რაკეტები ორბიტაზე გაუშვა, პირველად სამხრეთ კორეის საინფორმაციო საშუალებებში, ხოლო შემდეგ იაპონიის მასმედიაში გავრცელდა.

თუმცა ამერიკელები აცხადებენ, რომ რაკეტის პირველი ფრაგმენტი იაპონიის ზღვაში ჩავარდა, ხოლო მეორე ნაწილი, ხელოვნურ თანამგზავრთან ერთად, წყნარ ოკეანეში ჩაეშვა, ისე რომ არც იაპონიისთვის და არც სხვა მეზობელი ქვეყნისთვის საფრთხე არ შეუქმნია.

ამერიკელთა მიერ გავრცელებული ინფორმაცია უკვე დაადასტურეს სამხრეთ კორეელმა სამხედროებმაც. **"ამ დროისთვის არსებული მონაცემებით, რაკეტის სამივე ნაწილი ოკეანეში ჩავარდა, ამიტომ არანაირი მფრინავი ობიექტი ორბიტაზე არ გასულა,"** - განაცხადა სამხრეთ კორეის თავდაცვის მინისტრმა ლი სან ხიმ.

ჩრდილოეთ კორეა უკვე დიდი ხანია აცხადებდა, რომ თანამგზავრის გაშვებას გეგმავს და ოპონენტებს აფრთხილებდა, რომ ნებისმიერი ქვეყანა, რომელიც ამ პროცესის ჩაშლას შეეცდებოდა შესაფერის პასუხს მიიღებდა.

კვირას გავრცელდა ინფორმაცია, თითქოს თანამგზავრის გაშვება წარმატებით დასრულდა და ის ორბიტაზე გაშვებიდან 9 წუთსა და 2 წამში გავიდა.

რუსი სამხედროების მონაცემებით, საზენიტო სარაკეტო სისტემა - 300-ის მორიგე ძალებმა მზადყოფნის სიგნალი მიიღეს და სამიზნის თანხლების ოპერაცია ზონიდან მის სრულ გაუჩინარებამდე განახორციელეს. ეს ნიშნავს, რომ საპაეორო სამიზნე რუსეთის ფედერაციას საფრთხეს აღარ უქმნის.

ჩრდილოეთ კორეის მიერ რაკეტის გაშვებას ოპერატიულად გამოეხმაურა აშშ. ამ საკითხის თაობაზე ამერიკის ხელისუფლება დაუყოვნებლივ ინყებს კონსულტაციებს თავის მოკავშირეებთან. ამაზე საუბარია ბარაკ ობამას განაცხადებში, რომელიც თეთრმა სახლმა პრესაში გაავრცელა. ამერიკის ლიდერი ჩეხეთში ოფიციალური ვიზიტით იმყოფება.

**"ჩვენ დაუყოვნებლივ დავინყებთ კონსულტაციებს რეგიონში ჩვენს მოკავშირეებთან, მათ შორის იაპონიასა და კორეის რესპუბლიკასთან, აგრეთვე გაერო-ს უშიშროების საბჭოს წევრებთან,"** - ნათქვამია ამერიკის სახელმწიფოს მეთაურის განცხადებაში.

**მოუწოდებთ ჩრდილოეთ კორეას, სრულად შეასრულოს გაერო-**

**ს უშიშროების საბჭოს რეზოლუცია და თავი შეიკავოს შემდგომი პროვოკაციული ქმედებებისგან,"** - აღნიშნულია დოკუმენტში. ვაშინგტონში მიაჩნიათ, რომ ფხენიანმა უშიშროების საბჭოს 1718-ე რეზოლუცია დაარღვია, რომელიც ჩრდილოეთ კორეას ბალისტიკური რაკეტების შექმნისაკენ მიმართული ყოველგვარი ქმედებების განხორციელებას უკრძალებს.

ჩრდილოეთ კორეის მიერ რაკეტების გაშვება პროვოკაციული ნაბიჯია, რომელიც უპასუხოდ არ დარჩება, - განაცხადა ჟურნალისტებთან საუბრისას სახელმწიფო დეპარტამენტის წარმომადგენელმა ფრედ ლეშმა, რომელმაც რაკეტის ტიპზე საუბრისგან თავი შეიკავა.

**"ჩრდილოეთ კორეელების მიერ რაკეტების გაშვება ვაშინგტონში მიიჩნევა პროვოკაციულ აქტად, რომელიც აიძულებს შეერთებულ შტატებს, გადადგას გარკვეული ნაბიჯები ფხენიანისთვის იმის მისახვედრებლად, რომ მას არ შეუძლია დაუსჯევლად შეუქმნას საფრთხე სხვა ქვეყნებს,"** - ხაზგასმით განაცხადა ლეშმა.

იაპონიამ მოთხოვნით მიმართა გაერო-ს უშიშროების საბჭოს, რათა მან ჩრდილოეთ კორეის წინააღმდეგ მკაცრი სანქციები დაანუსოს. ტოკიოში მიაჩნიათ, რომ ბოლოდროინდელი

მოვლენები გაერო-ს მიერ 2006 წელს - ფხენიანის მხრიდან ბალისტიკური რაკეტების წარუმატებელი გამოცდის შემდეგ მიღებული რეზოლუციის დარღვევაა.

ქვეყნის პრემიერ-მინისტრი ტარო ასო ჟურნალისტების წინაშე მანამდე წარდგა, სანამ ჩრდილოეთ კორეული რაკეტა იაპონიის თავზე აღმოჩნდებოდა. **"მე უსაფრთხოების ზომების დაუყოვნებლივ გაძლიერების ბრძანება გავეცე. გავაფართოვეთ ინფორმაციის შეგროვების ქსელი. რაკეტის შესახებ მონაცემებს განუწყვეტლივ ვღებთ. ეს არის ყველაფერი, რისი თქმაც ახლა შემიძლია,"** - განაცხადა მან.

ამ დროისთვის შეიძლება ითქვას, რომ გაშვებამ პრობლემების გარეშე ჩაიარა. იაპონიის ტერიტორიაზე რაკეტის ფრაგმენტების ჩამოვარდნის საფრთხე არ დაფიქსირებულა, თუმცა მიუხედავად ამისა, ქვეყნის რაკეტსაწინააღმდეგო თავდაცვითი სისტემები სრულ საბრძოლო მზადყოფნაშია.

ჩრდილოეთ კორეის ხელისუფლებამ დიდი ხნის წინათ დაიწყო ინფორმაციის გავრცელება იმის შესახებ, რომ რაკეტა "ინჰა 2"-ის გაშვება, რომელიც ექსპერიმენტული ხელოვნური თანამგზავრის "კვანმესონ 2"-ის ორბიტაზე გაყვანას ემსახურებოდა, 4-8 აპრილამდე მოხდებოდა.

ოფიციალური ფხენიანის მიერ გავრცელებული ინფორმაციით, რაკეტის პირველი ნაწილი იაპონიის ზღვაში, აკიტას პრეფექტურიდან 130 კილომეტრის დაშორებით უნდა ჩამოვარდნილიყო. მეორე ნაწილს კი იაპონიის ტერიტორია უნდა გადაეფრინა და წყნარ ოკეანეში ჩავარდნილიყო. იმ შემთხვევაში, თუ რაკეტა კურსს აცდებოდა ან მისი იაპონიის ტერიტორიაზე ჩამოვარდნის საფრთხე გაჩნდებოდა, თავდაცვის უწყების ძალებს მათი განადგურების ბრძანება შეეძლო. ამისთვის იაპონიის ზღვაში მობილიზებული იყო სამხედრო ტექნიკა რაკეტსაწინააღმდეგო თავდაცვითი სისტემებით. ხოლო აკიტას, ივატეს და დედაქალაქის პრეფექტურებში საბრძოლო მზადყოფნაში მოიყვანეს პატრიოტის ტიპის მინისზედა რაკეტსაწინააღმდეგო დანადგარები (PAC-3).

რაკეტების გაშვების შესახებ ფხენიანის გადაწყვეტილებამ რეგიონში დაძაბულობა, ხოლო საერთაშორისო საზოგადოებაში ცხარე დებატები გამოიწვია. მთელი რიგი ქვეყნების და მათ შორის იაპონიის აზრითაც, ამ გზით ფხენიანი ცდილობს, გამოცადოს კონტინენტთაშორისი ბალისტიკური რაკეტა, რომელსაც ბირთვული ტვირთის გადაზიდვა შეუძლია.

## ვინ მოიგებს არჩევნებს მოლდოვაში

ივა პილაკაძე

გუშინ რესპუბლიკა მოლდოვაში საპარლამენტო არჩევნები ჩატარდა. დეპუტატის 101 ადგილზე 12 პარტიის ათასზე მეტი წარმომადგენელი და 5 დამოუკიდებელი კანდიდატი აცხადებს პრეტენზიას. რეგისტრირებულია, დაახლოებით, 2,6 მილიონი ამომრჩეველი, გახსნილია ორი ათასამდე საარჩევნო უბანი, აქედან 33 - საზღვარგარეთ. ათი დამატებითი უბანი გახსნილია მდინარე დნესტრის მარჯვენა სანაპიროზე იმ მოქალაქეებისთვის, რომლებიც დნესტრისპირეთის თვითგამოცხადებულ რესპუბლიკაში ცხოვ-

რობენ. თვითონ დნესტრისპირეთში სეპარატისტებმა ცენტრს საარჩევნო უბნების გახსნის საშუალება არ მისცეს. ვარაუდობენ, რომ დნესტრისპირეთის 340 ათასი მცხოვრებიდან, დაახლოებით, 20-30 ათასი ადამიანი მიიღებს მონაწილეობას არჩევნებში.

დეპუტატობის კანდიდატთა ნაწილს, ორას კაცზე მეტს, ორმაგი მოქალაქეობა აქვს - ძირითადად, ცხადია, რუმინეთის, მაგრამ არის რამდენიმე ადამიანი რუსეთის და ბულგარეთის მოქალაქეობით. დეპუტატად არჩევის შემთხვევაში მათ მეორე პასპორტზე უარი უნდა თქვან. სოციოლოგიური გამოკვლევებით, საარჩევნო უბნებზე ამომრ-

ჩვევლთა 60-70 პროცენტის მოსვლა მოსალოდნელია, მაგრამ არჩევნების შედეგების პროგნოზირებას ვერაფერს ვერ ვიტყვით. მიიჩნევენ, რომ უმრავლესობას ვერც ერთი პარტია ვერ მოიპოვებს და საჭირო გახდება კოალიციის შექმნა.

თორმეტი პარტიიდან, ექსპერტების აზრით, პარლამენტში მოხვედრის რეალური შანსები აქვთ კომუნისტურ (დღემდე მმართველი პარტია), ლიბერალურ-დემოკრატიულ და ლიბერალურ-პარტიებს, აგრეთვე ალიანსს "ჩვენი მოლდოვა". ყველა პარტია ხალხს ჰპირდება კრიზისის დაძლევის და ეკონომიკური აღმავლობის, აგრეთვე ევროკავშირში შესვლას. აქედან ლი-

ბერალურ და ლიბერალურ-დემოკრატიულ პარტიებს (აგრეთვე ქრისტიანულ-დემოკრატიულ სახალხო პარტიას) აშკარად პროდასავლური პოზიციები უკავიათ და რუმინეთის დახმარებით დასავლეთისკენ და ნატო-სკენ ნასვლას აპირებენ; კომუნისტები და "ჩვენი მოლდოვა" კი, ზოგიერთ სხვა პარტიასთან ერთად, დსთ-ში დარჩენას და რუსეთთან სტრატეგიულ პარტნიორობაზე უარის თქმას არ გეგმავენ.

მოლდოვა საპარლამენტო რესპუბლიკაა, 61 მანდატი საკმარისია პრეზიდენტის ასარჩევად, ცხადია, მთავრობის დასაკომპლექტებლად. ვლადიმერ ვორონინი უკვე

ორი ვადით იყო არჩეული და პრეზიდენტობის შანსი კანონმდებლობით აღარ აქვს, მაგრამ ის პოლიტიკაში რჩება - სიტუაციის მიხედვით ან პარლამენტში, ან მთავრობაში. მომავალი პრეზიდენტის ვინაობას კი ჯერჯერობით ვერაფერს ვიძახებ.

პარტიებისთვის საარჩევნო ბარიერი ექვსი პროცენტია, ხოლო დამოუკიდებელი კანდიდატებისათვის - სამი. წელს პირველად აკრძალულია საარჩევნო ბლოკების შექმნა და პარტიები არჩევნებში დამოუკიდებლად მონაწილეობენ.

ხმის მიცემა გუშინ საღამოს ცხრა საათზე დამთავრდა. წინასწარი შედეგები დღეს გახდება ცნობილი.

სტაბილურობისთვის...  
 სიმშვიდისთვის...  
 გარანტირებული  
 სარგებლისთვის...

მიენდეთ საბანკო ჯგუფს, რომელსაც  
მსოფლიოში მიტიონობით მანაბრე  
 ენდობა!




ბანკი რესპუბლიკა  
 BANK REPUBLIC

ჯგუფი სოსნიტა ჟანარალი



# "გამოტანარი" ანატარი

## განსაკანი!



თანხის შეტანა - გატანა ნებისმიერ დროს

გამოტანა ნებისმიერი ბანკომატიდან

10% - მდე სარგებელი

(822) 92 55 55  
[www.republic.ge](http://www.republic.ge)

# კონტრაპუნქტი N2

## ოპერის ორკესტრის კამერული შემადგენლობა საგასტროლოდ მიემგზავრება

8 აპრილს თბილისის ოპერისა და ბალეტის თეატრის ორკესტრის კამერული შემადგენლობა კონცერტს გამართავს სტამბულის უნივერსიტეტში, სადაც მიმდინარეობს კლასიკური მუსიკის ტრადიციული საგაზაფხულო სერები. ორკესტრის წარუძღვება ცნობილი აზერბაიჯანელი დირიჟორი ფაზრადინ კერიმოვი. პროგრამაშია ვოლფგანგ ამადეუს მოცარტის კონცერტი N5 ვიოლინოსა და ორკესტრისთვის, დიმიტრი შოსტაკოვიჩის კამერული სიმფონია და ბელა ბარტოკის დივერტისმენტი კამერული ორკესტრისთვის. სოლისტის ამპლუაში წარსდგება ცნობილი თურქი მევიოლინე პელინ ჰალკაჯი აკინი. საგულის-ხმოა, რომ ეს მუსიკოსები ქართველმა მსმენელებმა რამდენიმე თვის წინათ, 5 ივლისს თბილისში ოპერის თეატრის ორკესტრთან ერთად წარმატებით გამართული კონცერტის მეოხებით გაიცნეს.

### დედაქალაქში 800 ხე დაირგო

გარემოს დაცვის სამინისტროს წარმომადგენლები საბურთალოს რაიონს ეწვივნენ. დღის განმავლობაში 800 ხე დაირგო. იფნის, ნუშის, საპნისა და შავი ფიჭვის ჯიშის ხეების დარგვა უფასოდ ნებისმიერ მსურველს შეეძლო. აქცია "დარგე ხე"-ს ფარგლებში ორი კვირის განმავლობაში 100 000-მდე ხის დარგვა დაგეგმილი. შეგახსენებთ, რომ გარემოს დაცვის სამინისტროს განმჯანების აქციის ფარგლებში 50 000-მდე ხე უკვე დაირგო.

"პირველი"

### მუკუზანში VI-VII საუკუნეებით დათარიღებული ქვის სამარხი აღმოაჩინეს

გურჯაანის რაიონის სოფელ მუკუზანში, კერძო მიწის ნაკვეთის მოხვისას VI-VII საუკუნეებით დათარიღებული ქვის სამარხი აღმოაჩინეს.

როგორც კახეთის საინფორმაციო ცენტრიდან იუწყებიან, არქეოლოგიური დამუშავების შედეგად დადგინდა, რომ სამარხში ქრისტიანული წესით ქალი და მცირეწლოვანი ბავშვი დაკრძალული. ქვიშა-ქვით ნაგებ სამარხში ჩონჩხებთან ერთად, სხვადასხვა ზომის ბრინჯაოს საკინძებიც აღმოჩნდა.

"სამარხი სოფლის თემში, ამაღლების ეკლესიიდან დაახლოებით 200 მეტრშია ნაპოვნი. აღნიშნულ ადგილზე შესაძლოა, სხვა სამარხებიც არსებობდეს", - განაცხადა კულტურული მემკვიდრეობის დაცვის სპეციალისტმა თამაზ მარკოზაშვილმა.

პირველი

### "ჯეო მოდელსი" და თუმანიშვილის თეატრის მსახიობები ჩვენებსას მონაწილეობენ

7 აპრილს, მიხეილ თუმანიშვილის სახელობის კინომსახიობთა თეატრში სამოდელი სააგენტო "ჯეო მოდელსი" და აღნიშნული თეატრის მსახიობების მონაწილეობით ჩვენება მოეწყობა. როგორც "ჯეო მოდელსიდან" იუწყებიან, ნაჩვენები იქნება გაზაფხული-ზაფხულის "ჯეო კოლექცია", რომელსაც 10 მოდელი წარმოადგენს. კოლექცია დიზაინერ ეკა ბალანჩივაძეს ეკუთვნის.

მედიანიუსი

### 4 აპრილს თბილისის ცნობილი ამერიკელი გიტარისტი და მომღერალი ომარ ტორესი ეწვევა

ამერიკის შეერთებული შტატების საელჩოს მონვევით, 4 აპრილს თბილისში ცნობილი ამერიკელი გიტარისტი და მომღერალი ომარ ტორესი ჩამოვლის. მომღერალი საქველმოქმედო კონცერტებს ჩაატარებს. კონცერტები 5 აპრილს - გორში, 6-ში - თელავში, 7-8 აპრილს კი თბილისში გაიმართება. 9 აპრილს ომარ ტორესი დაბადების დღეს ბაკურიანთან ახლოს, მთის სოფელ პატარა მიტარბში აღნიშნავს.

პირველი

### ქართული სკოლის მასწავლებლებს ზუგდიდში ტრენინგი ჩაუტარეს

ეროვნული საგამოცდო ცენტრის წარმომადგენლებმა გალის რაიონის ქართული სკოლის მასწავლებლებს ზუგდიდში ტრენინგი ჩაუტარეს.

"მიუხედავად იმისა, რომ საზღვარზე გადმოსვლა რთულია, გალის რაიონიდან საკმაოდ ბევრი მასწავლებელი გადმოვიდა. ეროვნული საგამოცდო ცენტრის წარმომადგენლებმა მასწავლებლებს საგამოცდო საგნებზე მითითებები მისცეს", - განუცხადეს "პირველს" გალის საგამოცდო რესურს-ცენტრში. შეგახსენებთ, რომ წელს ერთიან ეროვნულ გამოცდებში გალის რაიონიდან 250 აბიტურიენტი მიიღებს მონაწილეობას.

"პირველი"

### თამარ ქიქნაველიძე

მსოფლიოში თანამედროვე მუსიკის ფესტივალები ინტენსიურად ეწყობა. მსმენელი კომპოზიტორთა გამოწვევას ინტერესით იღებს. ექსპერიმენტები იქ ხშირად ხორციელდება, რაც ამ დარგის განვითარებას უწყობს ხელს.

საქართველოში ამ თვალსაზრისით წინგადადგმული ნაბიჯია თანამედროვე პროფესიული მუსიკის ფესტივალის, სახელწოდებით კონტრაპუნქტი, ორგანიზება. მისი განხორციელების იდეა ნიკა მემანიშვილს ეკუთვნის, დამფუძნებელია - საქართველოს ეროვნული მუსიკალური ცენტრი.

კონტრაპუნქტი პირველად 2007 წლის ივნისში ჩატარდა. მას საინტერესო ფორმატი აქვს. ფესტივალის პროგრამა ორი - ქართველი და უცხოელი კომპოზიტორის შემოქმედებას წარმოაჩენს. კონტრაპუნქტი N1 სულხან ნასიძესა და ალფრედ შნიტკეს მიეძღვნა, კონტრაპუნქტი N2 კი - ნოდარ მამისაშვილსა და არვო პიარტის.

წლევანდელი კონტრაპუნქტი 3 და 4 აპრილს გაიმართა. თანამედროვე პროფესიული მუსიკის საღამოებს საქართველოს ეროვნულმა მუსიკალურმა ცენტრმა უმასპინძლა. მან ყოფილ რკინიგზელთა სახლში დაიდო ბინა. მისი ინტერირი იერს თანდათან იცვლის. თუმცა, ახალი ძეგლს ისე ენაცვლება, რომ შემოქმედებითი პროცესი არ წყდება. ცენტრი, სამომავლოდ, თანამედროვე ტექნიკით იქნება აღჭურვილი და მსმენელს განახლებულ საკონცერტო დარბაზში უმასპინძლებს. ამჯერად კი, მაყურებელი აღმოჩნდა სივრცეში, რომელიც ფორმირების პროცესშია. ლითონის კონსტრუქციები ამშვენებს კედლებს, ჭერსა და სცენას, ავანსცენა გაზრდილია, მაყურებელთა სავარძლები კი ამფითეატრის პრინციპით შემალბებულ ფიქრანაგზეა განლაგებული... ასეთმა გარემომ სხვებს, იქნებ, დისკომფორტი შეუქმნა, ჩემთვის კი - პირიქით, ადეკვატური და განწყობის შემქმნელი აღმოჩნდა.

კონტრაპუნქტი N2 საქართველოს ეროვნული მუსიკალური ცენტრის ხელმძღვანელმა, ნიკა მემანიშვილმა გახსნა. მასში მონაწილეობდნენ: საქართველოს ეროვნული სიმფონიური ორკესტრი (დირიჟორი - საიმონ კამარტინი), საქართველოს ეროვნული საგუნდო კაპელა (დირიჟორი - არჩილ უშვერიძე). ნიკა მემანიშვილმა საზგასმით აღნიშნა შვეიცარიელი დირიჟორის, საიმონ კამარტინის დამსახურება, რომელიც მათთან უანგაროდ თანამშრომლობს.

საიმონ კამარტინი დირიჟორიც არის და მევიოლინეც. ის 1945 წელს დაიბადა. ცნობილია, როგორც შვეიცარიული და აღმოსავლეთევროპული მუსიკის შემსრულებელი. აქტიურად თანამშრომლობს სხვადასხვა სიმფონიურ ორკესტრთან, მათ შორის: რუსეთის კულტურის სამინისტროს სიმფონიურ ორკესტრთან, კი-



ნოდარ მამისაშვილი



არვო პიარტი

ევის კამერეტასთან, რუმინეთის სახელმწიფო ფილარმონიის სიმფონიურ ორკესტრთან, ლემბერგის ლეოპოლდის ორკესტრთან და ა.შ. მას, როგორც დირიჟორს, შესრულებული აქვს 50-ზე მეტი პრემიერა. მონაწილეობდა ევროპის არაერთ მუსიკალურ ფესტივალში, იყო საერთაშორისო მუსიკალური კონკურსების ჟიურის წევრი, არის დამფუძნებელი და სამხატვრო ხელმძღვანელი ფალერა/ლააქს/ფლიმის მუსიკალური ფესტივალისა - MENHIR. მას მიღებული აქვს საფრანგეთის აკადემიის ჯილდო „Sciences-Art-Letter“. არჩეულია უკრაინის კომპოზიტორთა კავშირის საპატიო წევრად და მოლდოვის მუსიკისა და ხელოვნების აკადემიის საპატიო დოქტორად.

ფესტივალის პროგრამას რაც შეეხება, ორივე დღეს შესრულდა ნოდარ მამისაშვილის სევედის პოეზია (სიმფონიური ორკესტრისათვის, 2008 წ.), ოთხი ფრაგმენტი საგუნდო ციკლიდან განცდანი, აკაპელა შერეული გუნდისთვის, კანონიკური ლოცვების ტექსტებზე (1981 წ.), ტრიპტიკი (ვიოლინოსა და გუნდისათვის, 1978 წ.), ხოლო არვო პიარტის TABULA RASA ( სუფთა დაფა, სიმფონიური ორკესტრისათვის, 1977 წ.), CREDO ( მრწამსი, ფორტეპიანოს, შერეული გუნდისა და სიმფონიური ორკესტრისათვის), ორი აკაპელა გუნდი ლუკას სახარების მიხედვით, SPIEGEL IM SPIEGEL ( სარკე სარკეში, ალტისა და ფორტეპიანოსათვის, 1978 წ.). ასევე შედგა არვო პიარტის შე-

სახებ გადღებული დოკუმენტური ფილმის - 24 პრელუდია ფიგისათვის ჩვენება. ფესტივალის ბოლოს მოეწყო კომპოზიტორ ნოდარ მამისაშვილთან შეხვედრა და მისი ლექსების კრებული მხოლოდ სიყვარული პრეზენტაცია.

ეს ადამიანი მრავალმხრივი ნიჭით გამოირჩევა. გარდა იმისა, რომ არაერთი მუსიკალური ნაწარმოების ავტორია, ამასთან არის თეორეტიკოსი, წარმატებული პედაგოგი და მეცნიერ-გამომგონებელი. მან თბილისის ვ. სარაჯიშვილის სახელობის სახელმწიფო კონსერვატორიის თეორიულ-საკომპოზიტორო ფაკულტეტი დაამთავრა (პროფესორ ანდრია ბალანჩივაძის კლასი). მას შექმნილი აქვს ცამეტამდე აკუსტიკური-საინჟინრო აპარატი. არის საქართველოს ეროვნული აკადემიის აკადემიკოსი და ვიცე-პრეზიდენტი, საინჟინრო აკადემიის საპატიო აკადემიკოსი, ჰოლოსტუდიის პრეზიდენტი, აკადემია ნოოს-ფეროს პროფესორი და ვიცე-პრეზიდენტი, თბილისის სახელმწიფო კონსერვატორიის, სამხატვრო აკადემიისა და საქართველოს ტექნიკური უნივერსიტეტის მინვეული პროფესორი, ბგერითი ეკოლოგიის ცენტრის კოორდინატორი...

ძიებებითა და ნოვაციებით არის აღსავსე მამისაშვილის შემოქმედებითი მოღვაწეობა. 1970 წლიდან მოყოლებული, თანამედროვე ავანგარდისტული მუსიკის მიერ შემოთავაზებული იდეებისა და ნოვაციების საფუძვლიანად ათვისების შემდეგ, კომპოზიტორი თითოეულ ნაწარმოებში ინდივიდუალური სახით ანვითარებს და გარდასახავს ცალკეულ მათგანს, შემოაქვს ახალი იდეებიც. ყოველი ახალი თხზულება მისთვის წარმოადგენს ახალ პრობლემას: თითოეულში გამოყენებულია ახალი ტექნიკური არსენალი /ტემბრალური, აკუსტიკური, ასტრალური და სხვა ელემენტები/, ახალი ტიპის ფორმები ალგატორიკისათუ კოლაჟის სფეროში... ამგვარად ყალიბდება სამფაზიანი კომპოზიციის მუსიკალური სისტემა, რომელიც უდევს საფუძვლად მის შემოქმედებას, - ნათქვამია საფესტივალო ბუკლეტში.

ნოდარ მამისაშვილს დანერგილი აქვს საბავშვო ოპერა ბაქია ბაქია, შეიდი სიმფონია,

ხუთი საფორტეპიანო კონცერტი, არაერთი ახალი ტიპის საგუნდო თხზულება - ორატორიები, პასიონები, სიმფონიები, ციკლები, მინიატურები; სხვადასხვა ჟანრის საორკესტრო, სოლო და საანსამბლო ინსტრუმენტული თხზულებები, სათეატრო და კინომუსიკა. გამოცემული აქვს მრავალი სამეცნიერო შრომა და საჟურნალო სტატია.

მისი ნაწარმოებები მსმენელმა კარგად მიიღო. ამაში დიდი წვლილი მიუძღვის საქართველოს ეროვნულ სიმფონიურ ორკესტრს, საგუნდო კაპელას და დირიჟორ არჩილ უშვერიძეს, რომელიც 2009 წლის ივლისში ნიდერლანდების კამერულ გუნდს უდირიჟორებს. მათ ქართველი და შვეიცარიელი კომპოზიტორების ნაწარმოებები წარმატებით დაძლიეს. გამორჩეული იყო ლევან ძამუკაშვილის, ოანა კამარტინის, სალომე ბუკიას (ვიოლინო), ასევე გიორგი ცაგარელის (ალტი), მაია ჩიქოვანის, ნინო ჟვანიას, თამარ ბახტაძის (ფორტეპიანო) შესრულება.

არვო პიარტის რაც შეეხება, გერმანიაში მცხოვრები ესტონელი ნაწარმოების კომპოზიტორი 1935 წელს დაიბადა. დაამთავრა ტალინის კონსერვატორია კომპოზიციის განხრით. მოგვიანებით, ის იყენებს კოლაჟის ტექნიკას, მის მუსიკაში ჩნდება რელიგიური მოტივები, რაც საბჭოთა ცენზურის ყურადღების მიღმა არ დარჩენილა. მისი მუსიკა იკრძალებოდა, რის გამოც ის ემიგრაციაში წავიდა, ჯერ ვენაში, ხოლო 1980 წლიდან ბერლინში. დღეს არვო პიარტი მსოფლიოში ერთ-ერთი აღიარებული პროფესიონალი კომპოზიტორია. მის შემოქმედებას ე.წ. საკრალურ მინიმალიზმს მიაკუთვნებენ. ის ათეულობით ნაწარმოების ავტორია. აღსანიშნავია, რომ მისი საორკესტრო პიესის Tabula rasa ფრაგმენტები მუსიკალურ ფონად გასდევს თენგიზ აბულაძის ფილმს მონანება . ამ კომპოზიტორს მინიჭებული აქვს ტრიუმფი, ამერიკული გრემი - კატეგორიაში საუკეთესო თანამედროვე ნაწარმოების ავტორი, დანიური სონინგენის პრემია - როგორც ერთ-ერთი ყველაზე ორიგინალურ კომპოზიტორს. არჩეულია ტალინის მუსიკალური აკადემიის და ტარტუს უნივერსიტეტის საპატიო დოქტორად, შვედეთის სამეფო მუსიკალური აკადემიის საპატიო წევრად.

მომდევნო კონტრაპუნქტი 2009 წლის ოქტომბერში იგეგმება. მისი პროგრამა ნათელა სვანიძისა და სოფია გუბაიდულინას (რუსეთი) შემოქმედებას დაეთმობა. იმედს ვიტოვებთ, რომ ორგანიზატორები ამ ფესტივალის შესახებ ინფორმაციას უკეთ გაავრცელებენ, რათა მან მეტი ადამიანი დაინტერესოს.

# ქართული გვარაზი "ნიკაზე"

რუსეთის კინოაკადემიამ საუკეთესოები დააჯილდოვა

ი ა ვეკუა

რუსეთის კინოაკადემიაში არსებულმა დაპირისპირებამ დიდი ხანია კულმინაციას მი-  
აღწია, მაგრამ დათმობას არც  
ნიკიტა მხალკოვის კანტორი  
აპირებს და არც მარლენ ხუცი-  
ევის "ბრიგადა". თუმცა ჩვენს  
ეს საკითხი ისევე გვეხება და  
გვაინტერესებს, როგორც ბან-  
გლადეშის ირიგაციის სა-  
კითხები, ამიტომ ამ დიდი ის-  
ტორიის მხოლოდ ერთ, ჩვენ-  
თან მეტ-ნაკლებად დაკავში-  
რებულ ნაწილზე გიამბობთ. 3  
აპრილს კინოაკადემიის ახლად  
არჩეული პრეზიდენტის, ნიკი-  
ტა მხალკოვის პრეტენზიების  
მიუხედავად, მაინც ჩატარდა  
რუსეთის ყველაზე პრესტიჟუ-  
ლი - "ნიკას" დაჯილდოვების  
ცერემონიალი. მის ნომინაცი-  
ებში კი ოთხი ქართული გვარი  
იკითხებოდა.

ყოველგვარი დრამატიზე-  
ბის გარეშე, თავიდანვე გეტყ-  
ვით, რომ "ნიკა" არც ერთ მათ-  
განს არ მოუპოვებია, მიუხედა-  
ვად იმისა, რომ ზოგი მათგანი  
ნომინაციების შედგენისთანა-  
ვე უკვე მიიჩნეოდა ფავორიტე-  
ზად. მერაბ ნინიძე, მიხეილ კა-  
ლატოზიშვილი, ბაკურ ბაკუ-  
რაძე და კონსტანტინე მელაძე  
ამჯერად თამაშგარე მდგომარ-  
ეობაში აღმოჩნდნენ, ყველა-  
ზე გულდასაწყვეტი კი ნინიძის  
პრიზის გარეშე დატოვებაა,  
რადგან "ქალაქის ჯარისკაცი-  
ში" შესრულებული მისი როლი  
ათი თავით აღემატება "ნიკას"  
გამარჯვებულს ოლეგ დოლი-  
ნის საყველამო თამაშს.

"ქალაქის ჯარისკაცი"  
ალექსეი გერმან უმცროსის  
ბოლო ფილმია ("ნიკაზე" ფილ-  
მიც იყო ნომინირებული და რე-  
ჟისორიც - ჯილდო ამ უკანასკ-



ნელს ერგო). 2008 წლის თბი-  
ლისის საერთაშორისო კინო-  
ფესტივალზე ამ ფილმის სპე-  
ციალური ჩვენება გაიმართა  
და ფესტივალის საუკეთესო  
სანახაობაც აღმოჩნდა. ფილმი  
მაყურებელს თავად მერაბ ნი-  
ნიძემ წარუდგინა და მათ აღ-  
ბათ დღემდე ახსოვთ მსახიო-  
ბის მეტად ამალეღვებელი შე-  
სავალი, რაც მხოლოდ და მხო-  
ლოდ ამ უმძიმესი სურათიდან  
გამოყოლილი ემოციების ბრა-  
ლი შეიძლება და ყოფილიყო.  
გერმანის ფილმის სიუჟეტი  
არა მხოლოდ საბჭოთა კავში-  
რის, არამედ კაცობრიობისთ-  
ვის უმნიშვნელოვანეს პერი-  
ოდში ვითარდება - 1961 წელია  
და კოსმონავტიკის პირველი სა-  
რაკეტო ფრენისთვის ამზადე-  
ბენ. ეს მისია კი ნინიძის გმირს  
აკისრია, რომლის ცხოვრება  
სულ უფრო ემსგავსება ზაიკა-  
ნურის კოსმოდრომის გარშემო  
არსებულ სიბინძურეს, თუმცა  
ვალდებულია ბოლომდე შეას-  
რულოს საბჭოთა მოქალაქის  
მისია და სამშობლოს სამუდა-  
მო დიდებისთვის გმირი შეუქმ-  
ნას.

მერაბ ნინიძის არაჩვეუ-  
ლებრივ პერსონაჟს და სამსა-

სიბო თამაშს კი კიდევ ერთი  
ქართველის, ალექსეი გერმან  
უმცროსთან საუკეთესო რეჟი-  
სორის ნომინაციაში დამარ-  
ცხებული მიხეილ კალატოზიშ-  
ვილის "ველური მდელოს" მსა-  
ხიობი ოლეგ დოლინი დაუპირ-  
ისპირდა და ორთაბრძოლის  
გამარჯვებულსაც გახდა. თბი-  
ლისის კინოფესტივალზე კა-  
ლატოზიშვილის ფილმიც აჩვენ-  
ეს, ამრიგად თავისუფლად  
შეგვიძლია ამ ორი მსახიობის  
ოსტატობის შედარება და შე-  
ფასება. ნინიძისგან განსხვა-  
ვებით დოლინი შესამჩნევად  
უმოციო და ხრიოკია, რო-  
გორც ფილმიც გამოყენებული  
პანორამები. აღარაფერს ვიტყ-  
ვი, რომ სრულიად შეუფერებ-  
ელი ტიპაჟია, რაც მის გმირს  
დამაჯერებლობასაც აკლებს,  
რაც მაყურებელს ფილმისგან  
სულ უფრო აცილებს.

ერთბაშად ორი ქართული  
გვარი იკითხებოდა წლის აღ-  
მოჩენის ნომინაციაში: "ნიკა-  
ზე" წარდგენილი იყვნენ კონს-  
ტანტინე მელაძე - როგორც  
მუსიკალური პროდიუსერი და  
ბაკურ ბაკურაძე, როგორც  
ფილმ "შულტესის" ავტორი.  
თბილისელმა მაყურებელმა სა-

ფესტივალს ჩვენებაზე ბაკუ-  
რაძის ფილმიც იხილა და ეს  
ალბათ ერთადერთი სეანსი  
იყო, როდესაც მაყურებელი  
დარბაზიდან იპარებოდა და  
ხსნას სუფთა ჰაერზე ეძებდა.  
სხვათა შორის, ფილმი შარშან-  
დელ კანის ფესტივალის სპე-  
ციალურ ჩვენებაშიც იყო წარ-  
დგენილი, სეანსის დასრულე-  
ბის შემდეგ კი ერთ-ერთმა გავ-  
ლენიანმა კრიტიკოსმა მის შე-  
საფასებლად მხოლოდ ერთი  
ფრაზა გამოიმეტა: "ფილმი,  
რომელიც არ უნდა ნახოთ".  
მართლაც ასეა - ფილმი ერთმ-  
ნიშვნელოვნად აუტსაიდერი  
იყო.

კონსტანტინე მელაძე "ნი-  
კაზე" ვალერი ტოდოროვსკის  
"სტილიაგებისთვის" იყო ნომი-  
ნირებული - ამ ფილმმა კი კი-  
ნოდაჯილდოვების მთავარი  
პრიზი მოიპოვა. ფილმის სიუ-  
ჟეტი 1955 წლის მოსკოვში ვი-  
თარდება, ისტორიის ცენტრში  
კი რამდენიმე საბჭოთა ახალ-  
გაზრდაა, რომლებიც კაპიტა-  
ლისტურ ჯაზზე გიჟდებიან,  
მანქანებით დაგრიანებენ და  
ცხოვრების სტილი მთელ ქა-  
ლაქში გამოიჩენიან. ერთ-ერთი  
თი გოგონა ფრიადოსან კომ-  
კავშირელს უყვარდება და თა-  
ვადაც ცდილობს "სტილიაგა"  
გახდეს. ფილმი მიუზიკლის  
ჟანრისაა (სწორედ აქ დაიხარ-  
ჯა კონსტანტინე მელაძის ნი-  
ჭი) და იმ პერიოდის ცნობილი  
სიმღერების გარდა სპეციალუ-  
რად დანერული კომპოზიციები-  
საც ერთიანებს. თუმცა რო-  
გორც ირკვევა, ფილმი ამ  
მხრივ დიდად ვერ დაიკვებინს,  
რადგან დანარჩენი ორი "ნიკა"  
მხატვრობისა და კოსტუმების-  
თვის მიიღო, მუსიკალური ნა-  
წილი კი სრულიად შეუმჩნევე-  
ლი დარჩა.

## დეტექტივების დედოფლის საიდუმლო

აგატა კრისტი შესაძლოა ალცჰეიმერით იყო დაავადებული

ცნობილია, რომ დეტექტი-  
ური ჟანრის ლიტერატურის  
ერთ-ერთი ყველაზე ცნობილი  
წარმომადგენელი, დეტექტი-  
ვის დედოფლად წოდებული  
აგატა კრისტი მეტად უცნაური  
ქალბატონი გახლდათ. იგი სა-  
კუთარ თავში ბევრ საიდუმ-  
ლოს ინახავდა და მისი პიროვ-  
ნება დღემდე ბოლომდე ამო-  
უხსნელი რჩება. თუნდაც ის  
რად ღირს, რომ მწერალი მთე-  
ლი 11 დღის განმავლობაში იყო  
გაუჩინარებული და როდესაც  
კვლავ გამოჩნდა, არაფერი ახ-  
სოვდა. ბიოგრაფები და ლიტე-  
რატურის მკვლევარები კი  
თითქმის ყოველწლიურად ამ-  
ზეუბრუნებენ ერთ საიდუმლოს მა-  
ინც, ამჯერად ცნობილი გახდა,  
რომ აგატა კრისტი სიცოცხ-  
ლის უკანასკნელ წლებში ალც-  
ჰეიმერის დაავადებით იტან-  
ჯებოდა, რაც მის ბოლო ნაწარ-  
მოებებში შეინიშნება.

სწორედ ასეთი დასკვნა გა-  
აკეთეს ტორონტოს უნივერსი-  
ტეტის მეცნიერებმა, რომლებ-  
მაც მწერლის ბოლო ტექსტები  
გაანალიზეს, რისთვისაც სტა-  
ტისტიკური კვლევის მეთოდე-  
ბი გამოიყენეს. მათ შეისწავ-



ლეს კრისტი მიერ 28 წლის ასა-  
კიდან 82 წლამდე დაწერილი  
ნაწარმოებები და აღნოაჩინეს,  
რომ იგი სიცოცხლის ბოლო  
წლებში გაცილებით ცოტა, და-  
ახლოებით 15-30 პროცენტით  
ნაკლებ სიტყვას იყენებდა.  
გარდა ამისა, ბოლო მოთხრო-  
ბებში ხშირად მეორდება ერთი  
და იმავე წყობის მქონე წინადა-  
დებები და მრავლადაა შორის-

დებულებიც. ეს განსაკუთრე-  
ბით შეინიშნება დაუსრულე-  
ბელ რომანში "სპილოებს შე-  
უძლიათ ახსოვდეთ", რომელიც  
მწერალმა 81 წლის ასაკში და-  
იწყო. მისი ტექსტი შეადარეს  
30 წლით ადრე დაწერილ რო-  
მანს "დანიშნულების ადგილი  
უცნობია" და აღმოჩნდა, რომ  
"სპილოების" სიტყვათა მარაგი  
30 პროცენტით ნაკლებია, ხო-

ლო გამოვლენილი წინადადე-  
ბების რაოდენობამ 18 პრო-  
ცენტს მიაღწია.

სწორედ ეს შედეგები აფიქ-  
რებინებთ მეცნიერებს, რომ  
აგატა კრისტი ალცჰეიმერით  
იყო დაავადებული, რადგან  
მეტყველებისა და აზროვნების  
მოშლა და სიტყვათა მარაგის  
შემცირება სწორედ ამ დაავა-  
დების სიმპტომებია. მათ დასკ-  
ვნას ისიც ამყარებს, რომ იმავე  
მეთოდით კვლევა რამდენიმე  
წლის წინ აირის მერდოკის შემ-  
თხვევაშიც ჩატარეს და დაახ-  
ლოებით მსგავსა შედეგები გა-  
მოვლინდა, რომელიც ნამდვი-  
ლად იყო დაავადებული ალც-  
ჰეიმერით.

როგორც ტორონტოს უნი-  
ვერსიტეტის ენათმეცნიერები  
აცხადებენ, ისინი კვლავ გა-  
ნაგრძობენ აგატა კრისტის თე-  
მაზე მუშაობას, შეისწავლიან  
რამდენად იცვლებოდა მის  
ხელნაწერებში გრამატიკული  
შეცდომების დინამიკა. ასევე  
კრისტის მონაცემებს შედა-  
რებენ მათ მიერ წლების გან-  
მავლობაში ჩატარებული სხვა  
კვლევების დასკვნებსაც, რათა  
ყველანაირი ცდომილება გამო-  
ირიცხოს.



## ტრაპიზონის იმპერიის იხვიანი მონეტა

ტრაპიზონის იმპერია საქართველოს აქტიური ჩარევით შე-  
იქმნა და როგორც მოსახლეობაში, ისე მმართველ წრეებში, ქარ-  
თულ ელემენტს გამოჩენილი ადგილი ეკავა. იმპერიის სათავე-  
ში მდგომი კომუნისტები, საქართველოს სამეფო კარზე იზრდე-  
ბოდნენ და საქართველოს სამეფოს საგვარულოსთან, ბაგრა-  
ტიონებთან ნათესაური კავშირები ჰქონდათ. შესაძლებელია  
სწორედ ამ ფაქტორებმა განსაზღვრა ის აქტიური ურთიერთი-  
ბები საქართველოსა და ტრაპიზონის იმპერიას შორის, რომე-  
ლიც არ შენელებულა იმპერიის დაცემის დღემდე და საქარვე-  
ლოს ტერიტორიაზე აღმოჩენილი უამრავი ტრაპიზონული ფუ-  
ლის განძებიც ამ კავშირის მანიშნებელია.

საქართველოს ეროვნული მუზეუმის ს. ჯანაშიას სახელო-  
ბის საქართველოს მუზეუმის ნუმისმატიკური განყოფილების  
ბიზანტიურ ფონდში დაცული ტრაპიზონის იმპერიის მონეტა  
უნიკალურია და საკმაოდ დიდ იშვიათობას წარმოადგენს.  
აღნიშნული ექსპონატი ნაკლებად შესწავლილიც არის. მისი  
მკირერიცხოვნობის მიუხედავად, საკმაოდ მნიშვნელოვან ინ-  
ფორმაციას იტევს და ტრაპიზონის იმპერიის და საქართველოს  
ურთიერთობის შესწავლისათვის მნიშვნელოვან წყაროს წარმო-  
ადგენს.

გიორგი კომუნისტის (1266-1280) სპილენძის მონეტები ტრა-  
პიზონის ასპრებისაგან ტიპოლოგიურად განსხვავებულია.

მონეტის ავერსზე გამოსახულია ფეხზე მდგომი მეფე წმინ-  
და ევგენიოსთან ერთად. მას მარჯვენა ხელში მოკლებულია  
ლაბარუმი უჭირავს, რომელიც ექვსი ბურთულით ბოლოვდება.  
ტანთ თვლებით მოჭედილი სამოსი აცვია, თავზე გვირგვინი ად-  
გას, რომელზეც საკიდებია დამუბებული თითოზე ორ-ორი თვა-  
ლით. წმინდა ევგენიოსი შარავანდედით და თავსაბურავით არის  
წარმოდგენილი, მარჯვენა ხელში გრძელბუნია ჯვარი უჭი-  
რავს, მარცხენა ხელით-სამოსის ნაკეცები. მეფის მარჯვენე და  
მარცხენე ბურთული ზედწერილია

რევერსზე კი გამოსახულია წმინდა გიორგის გამოსახულება  
წელს ზემოთ შარავანდედით, რომელსაც მარჯვენა ხელი მოხ-  
რილი აქვს და შუბი უჭირავს, ხოლო მარცხენაში - ფარი. წმინდა  
გიორგის მარჯვენე კი ჩანს წარწერა.

საქართველოს ეროვნული მუზეუმის ეგზემპლარი ფაქტუ-  
რად ერთადერთია და მას ანალოგია არ აქვს.  
მონეტის რევერსზე გამოსახულია წმინდა გიორგი ფარით  
და შუბით, რაც გამოსახულის შემთხვევა ტრაპიზონულ მონე-  
ტებში. ასე, რომ გიორგი I-ის მონეტები მეტად საინტერესო ტი-  
პებს წარმოადგენენ არა მარტო ლიონის გამო, არამედ მასზე  
არსებული წმინდა გიორგის გამოსახულებითაც.

ევგენიოსი ტრაპიზონის მფარველი ლეთაბაა და მისი გამო-  
სახულება გვხვდება არა მარტო მონეტებზე, არამედ იმპერატო-  
რების გერბებზეც.  
საინტერესოა, რატომ გაჩნდა გიორგი I-ის მონეტებზე წმინ-  
და გიორგის გამოსახულება? შეიძლება, მეფემ იგი მოათავსა,  
როგორც თავისი მფარველი წმინდანი, მაგრამ შესაძლებელია,  
ეს საქციელი მისი საქართველოსადმი დიდი სიმპათიებისა და გი-  
ორგის პროქართული ორიენტაციითაც აიხსნას. იგი ხომ, რო-  
გორც ზემოთ აღვნიშნეთ, დევნილობის პერიოდში საქართვე-  
ლოდანაც მხარდაჭერით სარგებლობდა. ცნობილია, რომ ის  
"ტავრეზონის მთებს" აფარებდა თავს, ეს კი ის ტერიტორიაა,  
რომელიც საქართველოს იურისდიქციაში შედიოდა. აქაური ფე-  
ოდალები, როგორც ტრაპიზონის იმპერატორის, ისე საქართვე-  
ლოს "მეფეთ მეფის" ხელქვეითად ითვლებიან, ფაქტურად კი  
ძალაუფლება მიუზეს მხარეში, როგორც ჩანს, საქართველოს  
მთავრობის ხელშია. ეკლესიურადაც რიზეს მხარე ქართლის სა-  
კათალიკოსოს ეკუთვნის და არა კონსტანტინოპოლის საპატ-  
რიარქოსს.

ამდენად აღნიშნული მონეტისადმი ინტერესი დიდია და არა  
მარტო ქართველ, არამედ უცხოელ მკვლევართა შორის.

**მაია პატარიძე**  
საქართველოს ეროვნული მუზეუმი



### ქვე საერთაშორისო კავკასიაში პროექტის "ფერმერები და ბაზარი" ფარგლებში აცხადებს

### საკონსოლიდაციო ცენტრებისათვის ბიზნეს პარტნიორების შესარჩევ კონკურსს

საერთაშორისო არასამთავრობო ორგანიზაცია "ქვე საერთაშორისო კავკასიაში" პროექტის "ფერმერები და ბაზარი" ფარგლებში აცხადებს კონკურსს, რომელიც მოიცავს სასოფლო-სამეურნეო პროდუქციის საკონსოლიდაციო ცენტრებისათვის ბიზნეს პარტნიორების შერჩევას.

საკონსოლიდაციო ცენტრების ბიზნეს პარტნიორის შესარჩევ კონკურსში მონაწილეობის მიღება შეუძლიათ:

1. საქართველოში მოქმედი კანონმდებლობის ფარგლებში რეგისტრირებულ კომპანიებს და ორგანიზაციებს (შეზღუდული პასუხისმგებლობის საზოგადოება, სააქციო საზოგადოება, ასოციაცია, ინდივიდუალური მეწარმე და სხვა), რომლებიც მუშაობენ კვების პროდუქტების წარმოების, გადამამუშავების, იმპორტის, ექსპორტის, დისტრიბუციის სფეროში, აქვთ მუშაობის მინიმუმ ერთი წლის გამოცდილება და წარმოადგენენ 100% კერძო საკუთრებას.
2. საპროექტო წინადადების წარმომდგენ იმ ფიზიკურ თუ იურიდიულ პირებს, რომელთა მიმართ არ მიმდინარეობს გაკოტრების საქმე, არ გააჩნიათ საბიუჯეტო დავალიანება და მათი საბანკო ანგარიშები, ასევე ქონება არ არის დაფაქტურებული.

კონკურსში გამარჯვებული პროექტების დაფინანსება განხორციელდება თანადაფინანსების პრინციპით. პროექტის ფარგლებში ჩამოყალიბებული საკონსოლიდაციო ცენტრები დარეგისტრირდება, როგორც კომერციული იურიდიული პირები, სადაც პარტნიორების სახით წარმოდგენილი იქნებიან კონკურსის საფუძველზე შერჩეული ბიზნეს პარტნიორი და "ქვე საერთაშორისო კავკასიაში". პროექტი "ფერმერები და ბაზარი" დააფინანსებს კონკურსში გამარჯვებული განაცხადის ბიუჯეტის კაპიტალური ხარჯების 50%-ს, მაქსიმუმ 50,000 აშშ დოლარის ოდენობით. პროექტის "ფერმერები და ბაზარი" დასრულების შემდეგ "ქვე საერთაშორისო კავკასიაში"-ს წილი კაპიტალი გადაეცემა პროექტის პარტნიორ ფიზიკურ თუ იურიდიულ პირს.

საპროექტო განაცხადის სტანდარტული ფორმა, ასევე განმცხადებლის სახელმძღვანელო ხელმისაწვდომია ვებ გვერდებზე: [www.care-caucasus.org.ge](http://www.care-caucasus.org.ge); [www.bpgeorgia.ge](http://www.bpgeorgia.ge)

შესარჩევ კონკურსში მონაწილეობის მისაღებად კვალიფიციურმა საწარმოებმა (იხილეთ განმცხადებლის სახელმძღვანელო) უნდა შეავსონ და "ქვე საერთაშორისო კავკასიაში"-ს ცენტრალურ ოფისში წარმოადგინონ საპროექტო განაცხადის შევსებული ფორმა. საპროექტო განაცხადის შევსება შესაძლებელია ქართულ, ინგლისურ ან რუსულ ენაზე.

საპროექტო განაცხადების მიღების ბოლო ვადაა 2009 წლის 15 მაისი, 18:00 საათი.

საპროექტო განაცხადების (როგორც დაბეჭდილი, ასევე ელექტრონული ვერსია კომპაქტ დისკზე/CD) წარდგენა შეუძლიათ "ქვე საერთაშორისო კავკასიაში"-ს ცენტრალურ ოფისში: ქ. თბილისი, ჭავჭავაძის გამზ. №74ა/მოსაშვილის ქ.11, მე-5 სართული, ტელ: (+995 32) 291941, 291378, 291531; ფაქსი: (+995 32) 294307.

კონკურსში მონაწილეობის მსურველ პირებს და ორგანიზაციებს განაცხადის შევსების თაობაზე კონსულტაციების მისაღებად შეუძლიათ დაესწრონ "ლია კარის დღეს", რომელიც გაიმართება "ქვე საერთაშორისო კავკასიაში" ცენტრალურ ოფისში ა.წ. 14 აპრილს და 5 მაისს, 12:00სთ-ზე.

პროექტი "ფერმერები და ბაზარი" BP-სა და ნეთობისა და გაზის სფეროში მისი ბიზნეს-პარტნიორების მიერ ინიცირებული და დაფინანსებული საზოგადოებრივი ინვესტირების პროგრამის ნაწილია. საზოგადოებრივი ინვესტირების პროგრამის მიზანია მილსადენის გასწვრივ განლაგებული თემების მდგრადი სოციალურ-ეკონომიკური განვითარება.



### შპს „საქართველოს ფოსტა“ აცხადებს ღ ი ა ა უ მ ტ ც ი ო ნ ს

საფოსტო განყოფილებებში თავისუფალი ფართების იჯარით გაცემის მიზნით

№	გახაჯარებული ფართები	ფართი (კვ.მ.)	საწესი საიჯარო ფასი დღე-ს გარეშე (1 კვ.მ-ზე)	ბიჯ.ა
1	ფილიალ ქუთაისის ფოსტის №2 ს/გ მის: წმინდა ნინოს ქ.№7	7	24	05
2	ფილიალ ფოთის ფოსტის ადმ. შენობა მის: წმინდა გიორგის „№16	11,27	12	05
3	ფილიალ ადიგენის ფოსტა მის: თამარ მეფის ქ. №1	23	2	05
4	ფილიალ ხაჩურის ფოსტა II სართული	10.7	4	05
5	ფილიალ სენაკის ფოსტის ადმ. შენობა II სართული	13.10	6	0.5
6	ფილიალ ჭიათურის ფოსტის ადმ. შენობა I სართ.	18	4	0.5
7	ფილიალ თბილისის ფოსტამტის № 51 ს/განყოფილება დიდოს დახახლება	7.41	12	1
8	თბილისი ფოსტამტის №45 ს/განყოფილება მის: მარტვილის ქ.№1	31.91	12	1
9	ავტოფარეხის ტერიტორია (ბოგდან-ხმელნიცკის48ა)	15	10	1

- მონაწილის ბილეთის ფასი განისაზღვროს 10 ლარის ოდენობით
- გადახდის ქვითარი (გამოცხადებული ყოველთვიური იჯარის თანხის 10%-ს პრეტენდენტი იხდის ბე-ს სახით ბილეთის საფასურთან ერთად ფოსტის სალაროში, ან საბანკო დაწესებულებაში, მითითებულ ანგარიშზე).

- დამატებითი პირობები:
- აუქციონი ტარდება ღია წესით და გამარჯვებული გამოვლინდება იმავე დღეს.
  - სავალდებულოა პრეტენდენტის ან მისი წარმომადგენლის დასწრება აუქციონზე, წინააღმდეგ შემთხვევაში ბეს და ბილეთის თანხა უკან არ დაბრუნდება.
  - აუქციონში გამარჯვებულის გამოვლენის კრიტერიუმია მაქსიმალური იჯარის თანხა ფასის განცხადება;
  - აუქციონში გამარჯვებული ვალდებულია აუქციონის ჩატარებიდან 10 დღის ვადაში გააფორმოს საიჯარო ხელშეკრულება.
  - ხელშეკრულების ფორმდება 3 (სამი) წლამდე ვადით;
  - ყოველთვიური საიჯარო თანხას გამარჯვებული პრეტენდენტი გადაიხდის ხელშეკრულებით გათვალისწინებულ ვადებში შპს „საქართველოს ფოსტის“ მითითებულ ანგარიშზე.
  - მოიჯარე ვალდებულია საწარმოს (აღნიშნული ფართის) პრივატიზაციის (რეალიზაციის) შემთხვევაში შეწყვიტოს საწარმოს (აღნიშნული ფართის) პრივატიზაციამდე (რეალიზაციამდე) საწარმოს ძირითადი საშუალებების დროებით სარგებლობაში გადაცემის ურთიერთობები (ხელშეკრულებები) ყოველგვარი კომპენსაციებისა და ჯარიმების გადახდის გარეშე, რაც ძირითადი საშუალებების დროებით სარგებლობაში გადაცემის სააუქციონო და სახელშეკრულებო პირობებშია.

განაცხადების მიღების ადგილი: თბილისი, ვაგზლის მოედანი №2, შპს „საქართველოს ფოსტის“ ადმინისტრაცია.

განაცხადების მიღების ვადაა 2009 წლის 6 აპრილიდან 2009 წლის 20 აპრილს ჩათვლით 10.00 სთ.-დან 16.00 სთ.-მდე (შაბათ-კვირის გარდა).

ღია აუქციონის ჩატარების დრო და ადგილი: 2009 წლის 20 აპრილი 17:00 სთ. თბილისი, ვაგზლის მოედანი №2, შპს „საქართველოს ფოსტის“ ადმინისტრაცია.

საბანკო რეკვიზიტები: სს „საქართველოს ბანკი“ ცენტრალური ფილიალი 123286800. ბანკის კოდი 220101502. ს.კ 203836233

საკონტაქტო ტელეფონი: 340735.

- ღია აუქციონში მონაწილე პირთა მიერ წარმოსადგენ დოკუმენტაციათა ნუსხა:
- განაცხადება, რომელშიც სავალდებულოა აისახოს იჯარით გასაცემი ქონების დასახელება;
  - პირადობის დამადასტურებელი მოწმობის მონაცემები, ინდ.მეწარმე დამატებით წარმოადგენს ამონაწერს სამეწარმეო რეესტრიდან.
  - საქართველოში რეგისტრირებული იურიდიული პირი წარმოადგენს: ამონაწერს სამეწარმეო რეესტრიდან, ან შესაბამისად იუსტიციის სამინისტროს სახელმწიფო რეესტრიდან, წესდების ასლს, წარმომადგენლობაზე უფლებამოსილი პირის პირადობის მოწმობის ასლს.
  - ნოტარიალურად დამოწმებული მინდობილობა თუ პირი წარმოდგენილია სხვა პირის მიერ.

# სპორტი

## ნარმატიბული რიტროდაბიუტი



ფოტო: ანაბიბი ურბი

რუსულ ჰოკეიში მეორე ქართულ რეკორდამდე 15 წუთი რჩება

მოსკოვის "ლოკომოტივის" ჰოკეისტა გუნდის მეკარემ, 25 წლის გიორგი გელაშვილმა ზედიზედ მესამე მატჩი ჩაატარა შაიბის გაუშვებლად. "სოვეტსკი სპორტის" ინფორმაციით, რუსეთის ჩემპიონატის პლეი-ოფის რეკორდამდე მას 14 წუთი და 43 წამი რჩება. საგულისხმოა, რომ გიორგი გელაშვილს ეკუთვნის გაგარინის თასის მშრალი სერიის რეკორდი, რომელიც 188 წუთსა და 49 წამს შეადგენს.

### "მილანს" მილანელი განვრთნის

"მილანის" ვიცე-პრეზიდენტმა ადრიანო გალიანომ განაცხადა, რომ "მილანის" მომავალი კვლავ უკავშირდება "როსონერთა" ახლანდელ მთავარ მწვრთნელს კარლო ანჩელოტის. ამავე დროს გალიანომ ერთგვარად მიანიშნა, თუ მომავალში ვინ შეცვლის კლუბის ახლანდელ დამრიგებელს. "შეიძლება კატეგორიულად ითქვას, რომ "მილანის" მომავალი ანჩელოტისთანაა დაკავშირებული. მის შემდეგ კი კლუბის მწვრთნელი უნდა გახდეს ბერლუსკონის ეპოქის ერთ-ერთი გამორჩეული მილანელი. არ მინდა გამოვეხმაურო მოუწინაოროს გამონათქვამებს ანჩელოტიზე, რათა კიდევ უფრო არ გავაღვივო პორტუგალიელისადმი ინტერესი. ანჩელოტი ერთადერთია, ვინც ჩემპიონთა ლიგა მოიგო როგორც მოთამაშემ და როგორც მწვრთნელმა. არ მგონია, რომ მას ვინმესთვის რამე აქვს დასამტკიცებელი," - ამბობს გალიანი.

### მოიესი ფერგიუსონის ნაცვლად?

როგორც ინგლისური "სანი" აცხადებს, შესაძლოა ალექს ფერგიუსონის მემკვიდრე გახდეს "ვევერტონის" მთავარი მწვრთნელი დევიდ მოიესი. მოსალოდნელია, რომ მომავალი სეზონის ბოლოს 67 წლის ფერგიუსონი პენსიაზე გავიდეს. სწორედ ამ დროისთვის ელიან "ოლდ ტრაფორტზე" მოიესის გამოჩენას. "დევიდი არ არის იმდენად აღიარებული, რამდენსაც იმსახურებს. მიაქციეთ ყურადღება - მან უდიდესი სამუშაო გასწია "ვევერტონში", მას არა აქვს ისეთი ფინანსური რესურსი, რითაც სხვა კლუბები გამოირჩევიან, თუმცა, ახალგაზრდა მოთამაშეებთან ხანგრძლივი კონტრაქტები გააფორმა და, ისეთი ფეხბურთელების წყალობით, როგორებიც არიან ფილ იაგელკა, თომ კეჰილი და ჯულიან ლესკოტი, შექმნა საიმედო ბირთვი. მისმა ყოველმა გადაწყვეტილებამ გაამართლა. ეს კი იმაზე მიანიშნებს, რომ მოიესს ფეხბურთში განსაკუთრებული ალლო აქვს," - ამბობს სერ ალექსი. საგულისხმოა, რომ მოიესი, ფერგიუსონის მსგავსად, გლაზგოელია. მოიესმა 2002 წელს ჩაიბარა "ვევერტონი" და ბოლო ოთხი სეზონიდან სამი პრემიერლიგის საუკეთესო ექვსეულში დაასრულა. 2003 და 2005 წლებში კი ის ინგლისის საუკეთესო მწვრთნელად დასახელდა. ფერგიუსონის შემცვლელებად ასახელებენ აგრეთვე მარტინ ონილსა და ჟოზე მოურინიოს.

### "ზარსას" ტრეგეზეც მონდა

"იუვენტუსის" ფორვარდმა დავიდ ტრეგეგემ შესაძლოა ზაფხულში დატოვოს გუნდი. ამის შესახებ განცხადება გააკეთა ფეხბურთელის აგენტმა ანტონიო კალიენდომ. მანვე განაცხადა, რომ ტრეგეგე შესაძლოა "პარსელონაში" გადაბარდეს. "ტრეგეგეს სამსახურით დაინტერესებული არიან ინგლისური და ესპანური კლუბები. შესაძლოა ჩვენ განვიხილოთ "ზარსელონას" წინადადება. მან რამდენიმე ხნის წინ აშკარად გამოხატა ტრეგეგესადმი ინტერესი." - ამბობს კალიენდო.

### შსვ-ს რუტენს ჩააბარებენ

არადაამაკაყოფილებელი შედეგების გამო ამ ორი-ოდე კვირის წინ გელაშვილის შალკეიდან გათავისუფლებული ჰოლანდიელი სპეციალისტი ფრედ რუტენი შეიძლება შსვ-ს მწვრთნელი გახდეს.

იანვარში, იმავე მიზეზით, ჰოლანდიურმა კლუბმა თანამდებობიდან გაუშვა ჰუტუბ სტევენსი. ახლა იქ დროებითი მწვრთნელის ფუნქციებს დუაიტ ლოდვე-გესი ასრულებს.

ეინდჰოვენი სტევენსის მუდმივ შემცვლელად კლაუს ტომპიოლერს, რონალდ კუმანსა და კო ადრი-ანსესაც მოიაზრებდა, მაგრამ, ამ წყაროს ცნობით, რუტენის კანდიდატურა იქ იმთავითვე ყველაზე სასურველად ითვლებოდა.

ახლა, როცა ამ უკანასკნელს შალკესთან კონტრაქტი აღარ აკავშირებს, ეინდჰოვენს მის დაქირავებაში ხელს აღარაფერი უშლის.

### მიხილ ახიოვილი

ერთი შეხედვით ისე ჩანს, რომ სანაკრებო თამაშებით გამოწვეული ათდღიანი არდადეგები ქართული საკლუბო ფეხბურთის ლიდერებმა, საჩემპიონო რბოლაში ჩაბმულმა დედაქალაქურმა გუნდებმა - "ვიტ ჯორჯიამ" და "დინამომ" გონს მოსასვლელად გამოიყენეს და 26-ე ტურში სახეშეცვლილები წარდგინეს ქომაგების წინაშე. გონზე მოსვლა კი ამ გუნდებს ნამდვილად ესაჭიროებოდათ: "ვიტ ჯორჯიამ" და "დინამომ" მესამე წრის სასტარტო ორ ტურში ისე სინქრონულად დაკარგეს ქულები, თითქოს მოლაპარაკებული ყოფილიყვნენ. თანაც, ამ მარცხიან დაპირისპირებებში ჩემპიონობისთვის მომართულმა ამ გუნდებმა ქულები ქარს და გამოკვეთილ აუტსაიდერებს გაატანეს. ორივეს სულზე მიუსწრო სანაკრებო პაუზამ, რამაც დადებითად იმოქმედა "მრბოლელეებზე".

"ვიტ ჯორჯიამ" 26-ე ტურში მორიგი მატჩი ჩაატარა მიმდინარე სეზონში მისთვის საშინაოდ ქვეულ გორის სტეფანის სახელობის არენაზე, სადაც ამჯერად დედაქალაქურ "დებოში" "ლოკომოტივს" უმასპინძლა. მიუხედავად იმისა, რომ საერთო ჯამში ვეტერინარებმა დამსახურებულად გაიმარჯვეს, სადებიუტო წუთებში ლიდერის მთავარ მწვრთნელს ნესტორ მუმლაძეს სანერვიულო მაინც არ მოჰქვია. მე-8 წუთზე სტუმრებმა სტანდარტული მდგომარეობიდან იხიერეს: ვიტელთა საჯა-

რიმომი ბურთის ჩანოდებას მცირე ქაოსი მოჰყვა, რითიც ლოკომოტიველმა მახარაძემ ისარგებლა და ანგარიში გახსნა. თუმცა, როგორც მერე გამოჩნდა, ეს უფრო ეპიზოდი იყო და მასპინძლების პასუხი მომდევნო წუთებშივე გაისმა. თამაში განახლდა თუ არა, ბეჭვიათ თანაფარდობა აღადგინა, ორიოდ წუთში კი ლიპარტიამ გაიტანა ლამაზი გოლი და "ვიტ ჯორჯია" დაანინაურა. ამის შემდეგ მასპინძლების უპირატესობა კიდევ უფრო აშკარა გახდა და ის, რომ "ლოკომოტივმა" სახე შეინარჩუნა და დიდი ანგარიშით არ დამარცხდა, ამ გუნდის მეკარის კარგი თამაშის, ნაწილობრივ კი ილბლის წყალობაა. და მაინც, სტუმრები ბოლო წუთებზე კიდევ ერთ გოლს ვერ გადაურჩინენ: 90-ე წუთზე კვარაცხელიას ეფექტური პასით ყველაშვილი მეკარესთან პირისპირ აღმოჩნდა და გოლის გატანა არ გასჭირვებია.

ტურის ცენტრალური თამაში ბორის პაიჭაძის სახელობის ეროვნულ სტადიონზე გაიმართა, სადაც ჩემპიონმა "დინამომ" ყოფილ ჩემპიონს რუსთავის "ოლიმპს" უმასპინძლა. მატჩს ინტერესს ისიც მატებდა, რომ წინა ტურში, ზედიზედ მეორე წარუმატებლობის შემდეგ, გუნდის ხელმძღვანელობამ თანამდებობიდან გაათავისუფლა გერმანელი მწვრთნელი რაინერ ცობელი. ის "დინამოს" მთავარი მწვრთნელის პოსტზე შეცვალა მის თანაშემწედ მომუშავე კახა კაჭარავამ, რომელიც, წინასწარი ინფორმაციით, სეზონის ბოლომდე უხელმძღვანელებს გუნდს.

"დინამოს" მთავარი მწვრთნელობა უცხო არ არის კაჭარავასთვის - ამ პოსტზე ის ორი წლის წინ ჩეხი დუშან უგრინის მონვევამდე მუშაობდა. ძველმა ახალმა მწვრთნელმა საგრძნობი კორექტივები შეიტანა როგორც გუნდის თამაშში, ისე მის ძირითად შემადგენლობაში. სასტარტო თერთმეტ ფეხბურთელს შორის გამოჩნდა ვაჟა ნემსაძე - "დინამოსა" და საქართველოს ეროვნული ნაკრების ყოფილი კაპიტნის გიორგი ნემსაძის 18 წლის შვილი, რომელმაც თამაშების პოზიციაზე ითამაშა და წარმატებითაც. უმცროსმა ნემსაძემ "დინამოს" ყველა იერიშში აქტიური მონაწილეობა მიიღო, ართმევაზეც კარგად ითამაშა, შორიდან ძლიერი და ზუსტი დარტყმებიც ეხერხება და იმედი მოგვცა, რომ მალე წარმატებით და ღირსეულად შეცვლას მამას. თუმცა, ამისთვის კიდევ ბევრი შრომა სჭირდება, რაც, დარწმუნებული ვარ, სერიოზული კონტროლის ქვეშ ხორციელდება როგორც "დინამოს" მწვრთნელების, ისე მამის მხრიდან.

ორივე გუნდის დიდი მცდელობის მიუხედავად, მოედნის ცენტრზე კონტროლი ვერც ერთმა ვერ დაამყარა. თავიდან ორმხრივ იერიშებში ოდნავ უკეთ სტუმრები გამოიყურებოდნენ, თუმცა, პირველი საგოლე მომენტი მაინც მათ კართან შეიქმნა: დაახლოებით პენალტის ნიშნულიდან მერევაშვილის დარტყმული აღავიქმ მოიგერია. საპასუხო იერიშში უკვე ჩიმაკაძე იყო მიზანთან ახლოს, თუმცა, წინ გამოსული

მეკარის - ოგონოს თავზე ბურთის გადაგდებისას ცოტათი უმტყუნა მიზანმა. ანგარიში 39-ე წუთზე გაიხსნა: დილმელაშვილის მიერ მარცხენა ფლანგიდან ჩანოდებას ნერვაძე გამოეხმაურა და თავური დარტყმით ალავიძეს შანსი არ დაუტოვა.

მეორე ნახევარში "დინამომ" კიდევ ერთი გოლი გაიტანა: 68-ე წუთზე დონალდ ჯუისმა გამოიჩინა თავი და თითქოს გამარჯვებულის ვინაობაც გაირკვა. თუმცა, შეხვედრის დასრულებამდე 15 წუთით ადრე კიდევ ერთმა ლეგიონერმა, "ოლიმპის" გაბონელმა მცველმა აკუსასამ ერთი გოლი გაქვითა და დარჩენილი წუთები მასპინძლებს ლამის ჯოჯოხეთად უქცია. კაჭარავას გუნდის სასახელოდ უნდა ითქვას, რომ "დინამომ" გაშვებულმა გოლმა არ დააბნია, კარგად დაიცვა თავი და საქმე საბოლოო გამარჯვებამდე მიყვანა.

### 23-ე ტური

ვიტ ჯორჯია - ლოკომოტივი	3:1
მგლები - სპარტაკი	2:1
დინამო - ოლიმპი	2:1
ბორჯომი - გაგრა	1:2
სიონი - მესხეთი	2:0
ვიტ ჯორჯია	24 15 8 1 41:13 53
დინამო	24 16 4 4 50:18 52
ზესტაფონი	22 12 4 6 27:14 40
ოლიმპი	22 10 9 3 25:13 39
სიონი	23 9 9 5 26:19 39
ლოკომოტივი	22 8 5 9 24:22 29
მგლები	24 8 5 11 28:30 29
მესხეთი	24 5 8 11 15:31 23
გაგრა	24 5 6 13 18:38 21
სპარტაკი	23 3 6 14 21:39 15
ბორჯომი	24 2 6 16 18:56 12

### რიბერი მესამეა

2008 წელს ყველაზე დიდი შემოსავლის მქონე ფრანგ სპორტსმენთა ჩამონათვალში მიუხეხნის ბაიერნისა და საფრანგეთის ნაკრების ნახევარმცველი ფრანკ რიბერი მესამე იყო.

წინა წელთან შედარებით მან 3,2 მილიონი ევროთი მეტი იშოვა და ჯამში 8,3 მოაგროვა. მას მხოლოდ მისმა ბარსელონელმა თანაგუნდელმა ტიერი ანრიმ (17,7) და სან ანტონიო სპურზის კალათბურთელმა ტონი პარკერმა (9,6) გაუსწრეს.

რიბერის ჯამაგარი თვეში 540 ათას ევროს შეადგენს.

### პოდოლსკიმ აღიარა

მიუხეხნის ბაიერნისა და გერმანიის ნაკრების 23 წლის თავდამსხმელმა ლუკას პოდოლსკიმ ბილდთან საუბარში განაცხადა, რომ შეცდომა დაუშვა, როცა ოთხშაბათს უელსის ნაკრების მსოფლიო პირველობის საკვალი-ფიკაციო მატჩში თავის კაპიტან მისხელ ბალაკს სილა გაანა.

ვალბერე, რომ არასწორად მოვიქცევი. თანაგუნდელს არავითარ შემთხვევაში ხელით არ უნდა შევხებოდი, - აღნიშნა პოდოლსკიმ, რომელმაც უკვე 62-ჯერ დაცვა ბუნდესნაკრების ღირსება და მას 32 გოლით შეენია, - ამკარაა, რომ გავცხარდი, რაც მოედანზე ხშირად ხდება, მაგრამ ჩემი რეაქციით, სამწუხაროდ, გადავამლაშე.

მისი თქმით, მას და ბალაკს შორის ყველაფერი იმ დღესვე მოგვარდა. რაც მთავარია, ეს ინციდენტი მათ მთავალ თანამშრომლობაზე არ აისახება.

ჩვენ მატჩის შემდეგვე ვისაუბრეთ და არავითარი პრობლემა აღარ არსებობს, - თქვა მან, - ორივეს გვინდა, რომ გერმანიის წარმატებისთვის ერთად გავისარჯოთ.

პარასკევს პოდოლსკიმ საკუთარი თავი დაიჯარიმა - გერმანიის ფეხბურთის კავშირს მომავალში მოსაწყობი ფეარ-პლეის ნებისმიერი აქციისთვის 5 ათასი ევრო აჩუქა.

### "მილანის" არაბული პერსპექტივა

იტალიური "მილანის" ხელმძღვანელობა ახლანდელ სატიტულო სპონსორთან, საბუქემიკრო კანტორა BWIN-თან ხელშეკრულების გახანგრძლივებას არ აპირებს. მოქმედ კონტრაქტს კი 2010 წლის 30 ივნისს გასდის ვადა. ასე რომ, დაახლოებით ერთ წელიწადში "როსონერის" ახალი სპონსორი ეყოლება.

სიღვი ბერლუსკონი გუნდის მომავალი პარტნიორის ვინაობას არ აკონკრეტებს, თუმცა მის შესახებ გარკვეულ მითითებებს იძლევა - ეს იქნება ფირმა საუდის არაბეთიდან, რომლის უმთავრესი საქმიანობა სატრანსპორტო ბიზნესია. ძნელი მისახვედრი არ უნდა იყოს, რომ საუბარია ავიაკომპანია Emirates-ზე - საუდის არაბეთიდან ის ერთადერთი ცნობილი სატრანსპორტო ფირმაა, რომელიც ევროპულ ფეხბურთში კაპიტალს აბანდებს.

შეგახსენებთ, რომ ახლა Emirates-ი ლონდონის "არსენალის" სატიტულო სპონსორია. მანამდე ამ ფირმის ლოგოტიპი "ჩელსის" ფორმას ამშვენებდა.

### დიუფი ნაკრებიდან წავიდა

ინგლისის ბლექბერნის თავდამსხმელმა ელ-ჰავი დიუფმა სენეგალის ფეხბურთელთა ეროვნულ გუნდში კარიერის დასრულება განაცხადდა.

დიუფი სენეგალის ნაკრებში 2000-2008 წლებში თამაშობდა და 41 მატჩში 16 გოლი გაიტანა.

ბლექბერნში იგი 2009 წლის 30 იანვარს სანდერლენდიდან გადავიდა და პრემიერლიგაში ჩატარებულ 7 მატჩში ერთხელ აიღო მეტოქის კარი.

სხვათა შორის, დიუფმა 2007 წლის ოქტომბერშიც განაცხადა, რომ ნაკრებში მეთვს აღარ ითამაშებდა, მაგრამ ცოტა ხანში გადაიფიქრა.

### ადრიანო არ ცხრება

"ინტერის" ბრაზილიელ ფორვარდ ადრიანოს შესაძლოა კლუბის ხელმძღვანელობამ გარკვეული სანქცია დაადოს. მიზეზი კვლავ დისციპლინის დარღვევაა - სამხრეთამერიკული ფეხბურთელი, რომელიც მსოფლიო ჩემპიონატის შესარჩევი მატჩებისთვის ბრაზილიის ნაკრებში იყო გამოძახებული, მილანში დათქმულ დროზე გვიან დაბრუნდა.

თავად ადრიანომ დავიანება გაურკვეველი მიზეზებით ახსნა - ამის გამო იტალიის რეისს ჩამოვრჩიო. თუმცა, ამ თავის მართლებს "ნერაძურის" ბანაკში ნაკლებად სჯერათ, რადგან ბრაზილიელი თავდამსხმელი, სანაკრებო შეხვედრების შემდეგ, ადრეც არაერთხელ აღმოჩენილა ანალოგიურ სიტუაციაში.

"ინტერის" თავკაცს ჟოზე მოურიჩოს, დასჯის მიზნით, ადრიანო იტალიის ჩემპიონატის უახლოეს ტურში ("უდინეზესთან") სამატჩო განაცხადში არ შეუყვანია. ამის გარდა, სამხრეთამერიკელს ფინანსური სანქციაც დაედება.

მიმდინარე სეზონში ადრიანომ "ინტერის" შემადგენლობაში მხოლოდ 13 საჩემპიონატო შეხვედრა ჩატარა, რომლებშიც სამი გოლი გაიტანა. მილანობაში, სერია A-ში "ნერაძურის" ფორმით გამართულ 121 მატჩში შეძლო მეტოქის კარის აღება. ბრაზილიის ეროვნული გუნდის ღირსება კი 51 თამაშში დაიცვა და პირად ანგარიშზე 31 გოლი ჩაინერა.

# ფირამ ქართველთა მესამე ტრიუმფი აღიარა

საქართველოს რაგბის კავშირში ფირა-აერის შტაბბინიდან უცნაური წერილი მოვიდა. ფირას პრეზიდენტი, ფრანგი ჟან კლოდ ბაკე ადასტურებს, რომ საქართველოს ეროვნულმა ნაკრებმა მიმდინარე წლის შედეგების მიხედვით შეინარჩუნა ევროპის "ერთა თასი". აი, წერილის სრული შინაარსი, რომელიც რაგბის კავშირის თავმჯდომარემ გია ნიფარაძემ მიიღო. "მე, ჟან კლოდ ბაკე, ვადასტურებ, რომ საქართველოს ნაკრები ევროპის "ერთა თასის" 2009 წლის გათამაშების პირველი დივიზიონის გამარჯვებულია. საქართველოს ეროვნული ნაკრები იკავებს წამყვან პოზიციას ტურნირის სარეიტინგო ცხრილში 5 მატჩის შემდეგ

მოპოვებული 14 ქულით (4 მოგება, 1 ფრე). ფირა-აერის პრეზიდენტი ჟან კლოდ ბაკე, პარიზი, 1 აპრილი, 2009 წელი." ის, რომ ჩვენი "ბორჯღალოსნები" პირველ ადგილზე არიან და მათ სატურნირო მდგომარეობას საფრთხე არ ემუქრებოდა, საყოველთაოდაა ცნობილი. უცნაური ის არის, რომ ორწლიანი ციკლი, რომლითაც ფირა ევროპის "ერთა თასის" გათამაშებას ბოლო ხანებში მართავს, რატომღაც ექსპრიმტად შეიცვალა და გათამაშება ისევ ერთწლიან ციკლს დაუბრუნდა. ლოგიკური იქნებოდა ყველაფერი ეს გათამაშების დასრულებისას კი არა, დასაწყისსა გადაწყვეტილიყო. ამ ვერდიქტის შედეგად, საქართველოს ნაკრები მიმდინარე

გათამაშების გამარჯვებულად ჩაითვალა. ამრიგად, ჩვენმა "ბორჯღალოსნებმა" მესამედ შეძლეს ამ საპატიო ტიტულის მოგება და ამ მაჩვენებლით გაუთანაბრდნენ რუმინეთის ნაკრებს, რომელიც მიმდინარე წელს სუსტად გამოდის. არ შეიძლება რამდენიმე სიტყვა არ ვთქვათ ფირა-აერის ორგანიზაციულ მხარეზე, რომელიც აშკარად ტოვებს უკეთესის სურვილს. ჯერ იყო და, ევროპის "ერთა თასის" მატჩების დროს ეროვნულ ნაკრებში დიდი პრობლემა იყო საუკეთესო მორაგებების გამოძახება ნამყვანი კლუბებიდან, რამაც თავისთავად დალი დასავა თამაშის ხარისხს (როგორც იქნა, ეს პრობლემა გადაიჭრა, რამაც გარკვეუ-

ლი ხიბლი შემატა წელს ჩატარებულ თამაშებს). ახლა ამას დაემატა ჟან კლოდ ბაკეს ასეთი გადაწყვეტილება. ბუნებრივია, საქართველოს ნაკრების გულშემატკივარს სანუნუნო არაფერი აქვს, ჩვენს მონაგარს ღირსეულად შეემატა კიდევ ერთი ტიტული. თუმცა სამწუხაროა, რომ ზემიმი, რომლის დროსაც ტიმ ლეინის ლაშქარმა მიმდინარე წელს პირველობა გაიფორმა, სათანადოდ ვერ დაგვირგინდა თასის გადაცემით. არადა, მარიუპოლი მართლაც უნიკალური სარაგბო დღესასწაული გაიმართა, რომელსაც უდავოდ დაამშვენებდა ერთა თასის გადაცემის ცერემონიალი.

# თავისუფლება ევროპა თბილისში შეაფასეს

*ვილნიუსის ევროპის ჩემპიონატის დარუნებულმა საქართველოს თავისუფალი სტილით მოჭიდავეთა ნაკრების მთავარმა მწვრთნელმა ზაზა თურმანიძემ და ვერცხლისა და ბრინჯაოს პრიზიორებმა ფალავანთა კლუბში ვილნიუსის ევროპის ჩემპიონატის პრიზიტები პირველი პირისგან გაგვაცნეს. შედეგები ასეთი იყო: ბესიკ გუჩუაშვილის (55 კგ.) ვერცხლისა და მალხაზ ქურდიანის (60 კგ.) და მალხაზ მუზიაშვილის (66 კგ.) ბრინჯაოს მედელები.*

თურმანიძე, - 55 და 60 კგ წონაში ვერცხლისა და ბრინჯაოს მედელები მოვიპოვეთ, მაგრამ გუჩუაშვილი და ქურდიანი გამოცდილი მოჭიდავეები არიან და მეტი მოეთხოვებათ. რაც შეეხება ნაკრების ახალგაზრდებს მალხაზ მუზიაშვილს (66 კგ.), მას ბრინჯაოს მედლით მშვენიერი დებიუტი გამოუვიდა. ამ ეტაპზე მეტი რომ მოეთხოვოთ, მართალი არ ვიქნებით. მუზიაშვილი ახალგაზრდაა და ყველაფერი წინ აქვს. 74 კგ-ში გამოცდილი გელა საღირაშვილი ასპარეზობდა. სამწუხაროდ, მან ფინალში გადასასვლელი ურთულესი შეხვედრა დათმო და მესამე ადგილისთვის აბსოლუტურად გამოფიტული გავიდა ხალიჩაზე. მოულოდნელად ჯანმრთელობასთან დაკავშირებით პრობლემები შეექმნა.

თქმა ვერ გამოიბედა, თორემ ხალიჩაზე გასვლა აღარ უნდოდა. 84 კგ. წონაში იმედი ვერ გავგიმართლა ბექა ჭელიძემ, სამომავლოდ კი მისი დიდი იმედი გვაქვს ნარუმბატების მიუღწევია ვილნიუსის ევროპის ჩემპიონატი ლუკა კურტიანისთვის, მაგრამ მაინც მაღლობელი ვართ - მას არაერთი წარმატებისთვის მიუღწევია საკუთარი კარიერის განმავლობაში. დასაანანი იყო დავით ოთიაშვილის ასპარეზობა, რომელმაც გადამწყვეტი შეხვედრა დათმო. ვფიქრობ, უკეთესად შეეძლო გამოსვლა, მაგრამ მსაჯის ფაქტორმაც გარკვეული გავლენა იქონია მის შედეგზე. მე კი ვაპროტესტების საშუალება არ მომცეს. ევროპის ჩემპიონატზე გადახა-

ლისებული შემადგენლობით წასულმა გუნდმა შინ სამი მედალი ჩამოიტანა. შეკრებებისა და ევროპის ჩემპიონატის შემდეგ სპორტსმენები რამდენიმე დღეს დაისვენებენ, მერე კი ვარჯიშები განახლდება. იმის გამო, რომ მსოფლიო ჩემპიონატამდე დიდი დროა, თურმანიძეს ოთხი საწვრთნელი შეკრება აქვს დაგეგმილი. ნაკრები ერთ საერთაშორისო ტურნირზეც იასპარეზებს. გუნდის ბირთვი და საბოლოო შემადგენლობა კი ივნისის დასაწყისში, ვახტანგ ბალავაძის სახელობის თბილისის საერთაშორისო ტურნირის შემდეგ გამოიკვეთება.

# ბერძენ-რომაელები ევროპას ბრინჯაოთი დასცილდნენ

*საქართველოს ბერძენ-რომაული სტილით მოჭიდავეთა ნაკრებმა ევროპის ჩემპიონატი ერთი ბრინჯაოს მედლით დაიწყო და ასევე დაასრულა. ქართველი ბერძენ-რომაელებისთვის მეტ-ნაკლებად შედეგიანი გამოდგა ევროპის ჩემპიონატის პირველი დღე. მანუჩარ ცხადაიამ ბრინჯაოს მედალი მოიპოვა. თუმცა ამ ბრინჯაოს ოქროს ფატი ბექეს, რადგან მან არაერთი ტიტულუიანი მეტოქე*

*ჩამოიშორა გზიდან.* საქართველოს ბერძენ-რომაელთა ნაკრების მთავარმა მწვრთნელმა ბეგი დარჩიამ ვილნიუსში გადახალიცებული შემადგენლობა წაიყვანა. ტრავმების გამო არ უასპარეზოთ მსოფლიო ჩემპიონებს დავით ბედიანაძეს (60 კგ.) და რამაზ ნოზაძეს (96 კგ.), ოლიმპიურ და მსოფლიო ჩემპიონს მანუჩარ კვიციანიას (74 კგ.) და ევროპის ჩემპიონ ბაღირ ხასიაის (84 კგ.) ამის გამო ევროპულ ხალიჩაზე

დიდ შედეგიანობას არც ველოდით. თუმცა მაინც სასიამოვნო იყო ნაკრების ახალბედა წევრის მანუჩარ ცხადაიას გამოსვლა, რომელმაც, მედლის გარდა, იმითაც გამოიჩინა თავი, რომ ორი ოლიმპიური ჩემპიონი გამოთიშა ჩემპიონატს. ფინელი ჟარკო ალა-პუიკუს ორ სეტში დამარცხების შემდეგ, ასევე სეტის ნაუგებლად ჩამოიცილა გზიდან პეკინის ოლიმპიური თამაშების ჩემპიონი ფრანგი სტივ ჟენო. შემდეგ ამათ

უნგრელი ატილა დრეკსლერიც მიაყოლა თან და ნახევარფინალში გავიდა. ერთი მოგებაც და ოქროს მედლისთვის მოუწევდა ხალიჩაზე გასვლა, მაგრამ რუსეთის სახელით მოასპარეზე ამბაკო ვაჩაძესთან ვერაფერი გააწყო და რეპეშაჟში გადაერთო. და აი, აქაც მესამე ადგილისთვის მანუჩარმა ათენის ოლიმპიური თამაშების ჩემპიონს, აზერბაიჯანელ ფარიდ მანსუროვს აჯობა.

# ბერძენ-რომაელები ევროპას ბრინჯაოთი დასცილდნენ

"ქორეზმა" ზედიზედ მესამედ წააგეს NBA-ში რეგულარული სეზონი დასასრულს მიუახლოვდა და "ატლანტა ჰოქსის" ქომავლებს სანერვიულო მოემბათა. საქმე ის არის, რომ აქამდე კარგად მოთამაშე "ქორეზმა" ზედიზედ სამი მატჩი წააგეს, რამაც არაერთი კითხვა გააჩინა. მათ შორის მთავარია: შეძლებს კი "ატლანტა" გასული სეზონის შედეგის გაუმჯობესებას და პლეი-ოფის პირველი რაუნდის ბაიერის დაძლევა? თუ ფაქტობრივად და მისმა თანაგუნდელებმა ისევე ითამაშეს, როგორც გუშინ, გამთენიისას, "ორლანდოს" წინააღმდეგ, პლეი-ოფში წარმატებაზე ჯორჯიელებმა არც უნდა იოცნებონ. საკუთარ "ფილპს არენაზე" გამართული მატჩი მაიკ ვუდსონის გუნდმა ანგარიშით 82:88 წააგო. მართალია, სატურნირო ცხრილში ამას ატლანტელთა მდგომარეობაზე გავლენა არ მოუხდენია, მაგრამ თავად თამაშმა "ქორეზის" ქომავებს ბევრი სანერვიულო გაუჩინა.

ჩვენთვის საწყენი ის არის, რომ ეს მატჩი სუსტად ითამაშა ზაზა ფაქულიამ. მწვრთნელმა ქართველ ცენტრს სულ 6 წუთი მისცა სათამაშოდ. დროის ამ მონაკვეთში ზაზა მხოლოდ ერთი მოხსნით შემოიფარგლა. ამავე დროს ორჯერ დაჯარიმდა და ერთხელ ბურთი დაკარგა. რაც შეეხება ევროპაში მოთამაშე ქართველებს, მანუჩარ მარკოშვილის "ბეკიევიმ" უკრაინის ჩემპიონატის რეგულარული პირველობა მეორე ადგილზე დაასრულა. უფრო სწორად, დაასრულებს, რადგან დედაქალაქელებს კიდევ ერთი მატჩი დარჩათ გასამართი, მაგრამ მისი შედეგი გათამაშების ცხრილში არავითარ გადაადგილებას არ გამოიწვევს. კიეველებმა პირველ ადგილზე გასვლის ყველანაირი შანსი შაბათს ლიდერ "აზოვმაშთან" გასვლით მატჩში დაკარგეს. "აზოვმაშმა" 90:68 გაიმარჯვა და, რეგულარულში პირველ ადგილთან ერთად, პლეი-ოფის ყველა სტადიაზე მოედნის უპირატესობაც დაიბევა.

წინა მატჩებთან შედარებით, ამჯერად მარკოშვილი ნაკლებად შედეგიანი იყო - მოედანზე გატარებულ 34 წუთში ქართველი ლეგიონერი 11 ქულა დაკმაყოფილდა. ამის გარდა, მან 4 შედეგიანი გადაცემა, 3 ჩაჭრა და 1 მოხსნა მიითვალა. კიეველთა მხრიდან მარკოშვილზე მეტი ქულა მხოლოდ დროლდოვს ჰქონდა - 14. შეხვედრის ყველაზე შედეგიანი კალათბურთელი კი გახდა აზოვმაშელთა მსროლელი ტომპსონ დიუონი, რომელმაც მატჩი 34 ქულით დაასრულა. გიორგი ცინცაძისა და ვიქტორ სანიკიძის "როკმა" ზედიზედ მესამედ სძლია ტალინის "კალევს" მისავე მოედანზე. რამდენიმე დღის წინ ეს გუნდები ბალტიის ლიგის პლეი-ოფის მატჩებში შეხვედნენ ერთმანეთს. ტარტულებმა ორივე გასვლითი თამაში მოიგეს, შაბათს კი "როკი" ესტონეთის დედაქალაქს სანჩემპიონატო მატჩის გასამარჯვებელი დაბრუნდა. წინა თამაშებთან შედარებით,

ქართველთა გუნდმა ამჯერად ცილებით იოლად შეძლო სასურველი შედეგის მიღწევა. სტუმრებმა პირველი და მესამე მეოთხედები 11-11 ქულით მოიგეს და საბოლოოდ 85:68 გაიმარჯვეს. "როკის" სასტარტო ხუთეულში არც ერთი ქართველი არ ყოფილა. სანიკიძესთან დაკავშირებით ეს არ არის გასაკვირი - მას ხშირად არ უწევს სასტარტოში ყოფნა. რაც შეეხება ცინცაძეს, ის დამწყები ხუთეულის თითქმის უცვლელი წევრია. პლეი-ოფის მომქანცველი მატჩების შემდეგ მწვრთნელებმა მის ალბათ მოდუნების საშუალება მისცეს. ამასვე მიუთითებს ცინცაძისთვის მიცემული შედარებით ნაკლები სათამაშო დრო - ქართველმა გამთამაშებელმა მოედანზე 18.42 წუთი დაჰყო და მხოლოდ 3 ქულა, 1 მოხსნა და 2 შედეგიანი გადაცემა დააგროვა. სანიკიძეს კი 21.24 წუთში ცილებით უკეთესი სტატისტიკა ჰქონდა: 11 ქულა და 8 მოხსნა.



### ქალაქ თბილისის მთავრობა დადგენილება №05.43.151

24 თებერვალი 2009 წელი

ქ. თბილისის მთავრობის 100%-ანი წილობრივი მონაწილეობით დაფუძნებული ზოგიერთი საწარმოს ლიკვიდაციის შესახებ

ქ. თბილისის მერი

გიორგი უგულავა

„მეწარმეთა შესახებ“ საქართველოს კანონის 9<sup>1</sup> და მე-14 მუხლების, „ადგილობრივი თვითმმართველობის შესახებ“ საქართველოს ორგანული კანონის მე-16 მუხლის, „საქართველოს დედაქალაქის – თბილისის შესახებ“ საქართველოს კანონის 28-ე მუხლის შესაბამისად.

ქ. თბილისის მთავრობა ადგენს:

1. განხორციელდეს დანართი I-ში მითითებული ქ. თბილისის მთავრობის 100%-ანი წილობრივი მონაწილეობით დაფუძნებული კომპანიების ლიკვიდაცია.
2. დანართში მითითებული კომპანიების ლიკვიდატორად დაინიშნოს ელენე მიხაილოვა (დაბადებული 10.01.1978 წელს, პირადი №01005002315).
3. კომპანიებში არსებული დოკუმენტაცია გადაეცეს საქართველოს იუსტიციის სამინისტროს ქ. თბილისის ცენტრალურ არქივს.
4. დაველოს ელენე მიხაილოვას უზრუნველყოს წინამდებარე დადგენილების მე-3 პუნქტით გათვალისწინებული და საზოგადოებების ლიკვიდაციასთან დაკავშირებული კანონმდებლობით გათვალისწინებული პროცედურების განხორციელება, უმოკლეს ვადაში.
5. კონტროლი დადგენილების შესრულებაზე დაველოს ქ. თბილისის მერის პირველ მოადგილეს (ვიცე-მერს) – მერიის ადმინისტრაციის უფროსს შ. ახვლედიანს.
6. ეს დადგენილება შეიძლება გასაჩივრდეს ერთ თვეში, თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დ. აღმაშენებლის ხეივანი, მე-12 კილომეტრი, №6).

№	კომპანიის დასახელება	მისამართი - ტელეფონი
1	შპს ისანი-სამგორის რ-ის „ს/კ მომსახურების №12 ს/ცენტრი“	მოსკოვის გამზ., კოტეჯი №49-ა
2	შპს ისანი-სამგორის რ-ის „ს/კ მომსახურების №93 ს/ცენტრი“	წულუყუძის ქ, №23-ა 78-79-48
3	შპს ვაკე-საბურთალოს რ-ის ს/კ მომსახურების ს/ც „სტუდქალაქი“	ჭავჭავაძის გამზ, №50 23-13-40 სამსახ,
4	შპს დიდუბე-ჩუღურეთის რ-ის „ს/კ მომსახურების ს/ცენტრი №6“	დიდმის მასივი III კვ, №6 კორპუსი 51-53-40
5	შპს დიდუბე-ჩუღურეთის რ-ის „ს/კ მომსახურების ს/ცენტრი №7“	აგლაძის ქ, №39-ა 56-35-72
6	შპს დიდუბე-ჩუღურეთის რ-ის „ს/კ მომსახურების ს/ცენტრი №8“	დიდმის მასივი IV კვ, №4 კორპუსი 34-55-61
7	შპს დიდუბე-ჩუღურეთის რ-ის ს/კ მომსახურების ს/ც „ოქროს უბანი“	გოგოლის ქ, №1 (ყოფ, №45) 95-22-86
8	შპს მთაწმინდა-კრწანისის რ-ის ს/კ მომსახურების ს/ც „პალა“	ჩალაუბნის ქ, (აკოფიანის) №2/10 93-22-15
9	შპს მთაწმინდა-კრწანისის რ-ის ს/კ მომსახურების ს/ც „ორთაქალა“	კრწანისის ქ, №7 72-15-94

### ქალაქ თბილისის საკრებულოს აპარატის მიერ საავტომობილო სანავის შესასყიდად 2009 წლის 25 თებერვალს გამოცხადებული ტენდერის შედეგები

ქალაქ თბილისის საკრებულოს აპარატის მიერ საავტომობილო სანავის შესასყიდად 2009 წლის 25 თებერვალს გამოცხადებულ ტენდერში გამარჯვებულ პრეტენდენტად გამოცხადდა სს „ვისოლ პეტროლიუმ ჯორჯია“, რომელთანაც სახელმწიფო შესყიდვების შესახებ ხელშეკრულება დაიდო 2009 წლის 20 მარტს.

სატენდერო კომისია

### საქართველო

### საქართველოს მუნიციპალური განვითარების ფონდი ქუთაისის მუნიციპალური წყალმომარაგების პროექტი

მონვევა საკონკურსო ვაჭრობაზე (ტენდერზე) ტრანსფორმატორის (110/6 კვ. 6.3 მეგავოლტ ამპერიანი) მიწოდება მუხიანის ქაზურლილებისათვის

მონვევა საკონკურსო ვაჭრობაზე მოწყობა ამ პროექტის ზოგად სატენდერო განცხადებას რომელიც გამოქვეყნდა Procurement Opportunities-ში 2006 წლის 16 მაისს და განახლდა 2008 წლის 22 აპრილს.

სასესიო ხელშეკრულების შესაბამისად, რომელიც დადებულია 2006 წლის 15 სექტემბერს, საქართველოს მუნიციპალური განვითარების ფონდი (სმფ), შემდგომში მოხსენებული როგორც „დამკვეთი“, შპს ქუთაისკანალის სახელით აპირებს ევროპის რეკონსტრუქციისა და განვითარების ბანკის („ბანკი“) სესხის თანხით დააფინანსოს ქუთაისის მუნიციპალური წყალმომარაგების პროექტი.

„შემსყიდველი“ იწვევს საკონკურსო ვაჭრობაზე (ტენდერზე) დაინტერესებულ ორგანიზაციებს, რომლებმაც უნდა წარმოადგინონ დალუქული კონვერტები საკონკურსო წინადადებით, რომელიც დაფინანსებული იქნება სესხის ნაწილიდან.

- ტრანსფორმატორის (110/6 კვ. 6.3 მეგავოლტ ამპერიანი) მიწოდება მუხიანის ქაზურლილებისათვის

ტენდერი კონტრაქტზე, რომელიც ბანკის სესხის სახსრებით დაფინანსდება ღია ნების მიერ ქვეყნის წარმომადგენელი ორგანიზაციებისათვის.

კონტრაქტის მისანიჭებლად კონკურსის მონაწილე უნდა აკმაყოფილებდეს ქვემოთმოყვანილ კრიტერიუმებს და წარმოადგინოს დოკუმენტაცია შემდეგის დასასაბუთებლად:

- (a) კონკურსის მონაწილის მინიმალური წლიური ბრუნვა თითოეული განვლილი ხუთი წლისათვის უნდა შეადგენდეს 0.75 მილიონ ევროს ან მის ექვივალენტს;
- (b) იმ შემთხვევაში თუ კონკურსის მონაწილე კონტრაქტის ფარგლებში გვთავაზობს საქონლის მიწოდებას, რომელსაც იგი არ აწარმოებს, კონკურსის მონაწილე სათანადოდ უნდა იქნას უფლებამოსილი საქონლის მწარმოებლის მიერ, იმისათვის რომ საქონელი მიაწოდოს შემსყიდველის ქვეყანას;
- (g) კონკურსის მონაწილეს, საქონლის მწარმოებელთა და მომსახურების მომწოდებელთა ჩათვლით, შესაბამისი ფინანსური, ტექნიკური, და წარმოების საშუალებები და შესაძლებლობა უნდა გააჩნდეს კონტრაქტის შესასრულებლად;
- (d) კონკურსის მონაწილეს ან მის აგენტს უნდა შესწავდეს უნარი განახორციელოს მომწოდებლის ტექნომსახურების, შეკეთებისა და სათანადო ნაწილების მარაგის შევსების მოვალეობები წინამდებარე სატენდერო დოკუმენტაციის თანახმად;
- (e) კონკურსის მონაწილე უნდა ფლობდეს I.S.O. 9001-2000 ან 14001 სერტიფიკატს (ან ექვივალენტურ ხარისხის მართვის სისტემის სერტიფიკატს);

საკონკურსო დოკუმენტაცია კონკურსის მონაწილეებს შეუძლიათ შეიძინონ ქვემოთ მითითებულ მისამართზე წერილობითი განაცხადის წარმოდგენისა და თითოეული კომპლექტისათვის აუნაზღაურებადი 200 ლარის (ან ექვივალენტი კონვერტირებად ვალუტაში, პლიუს კურიერის ხარჯები, თუ კონკურსანტს სურს, რომ დოკუმენტაცია მიწოდებული იქნას კურიერის საშუალებით) გადახდისას. მოთხოვნის შემთხვევაში საკონკურსო დოკუმენტაცია მყისვე გაგზავნილი იქნება კურიერის საშუალებით, თუმცა დაკარგვის ან მიწოდების დაგვიანების შემთხვევაში პასუხისმგებლობა არ ეკისრება „დამკვეთს“. შექმნილი საკონკურსო დოკუმენტაციის ასლი შეიძლება გაეგზავნოს კონკურსანტს ელექტრონული ფოსტის საშუალებით.

გადახდა იწარმოებს ქვემოთ მითითებულ საბანკო რეკვიზიტებზე თანხის გადარიცხვის საშუალებით:

ბანკი რესპუბლიკა. გრ. აბაშიძის ქ. N2, თბილისი საქართველო  
 SWIFT: REPLGE22 C/A No.: 04-414-550 with  
 Deutsche Bank Trust Company Americas, NY  
 SWIFT: BKTRUS33, ABA#021001033, CHIPS UID: 379104  
 ა.შ.შ. დოლარის საბანკო ანგარიშის ნომერი: 341 800 01  
 ლარის საბანკო ანგარიშის ნომერი: 340 80001, კოდის # 220 101 757  
 ბენეფიციარი: საქართველოს მუნიციპალური განვითარების ფონდი  
 შესაბამისი მითითებით: "მონვევა სატენდერო პაკეტის შექმნაზე NEBRD/G/ICT/03-Kutaisi"

ყველა საკონკურსო წინადადებას თან უნდა ახლდეს წინადადების საბანკო გარანტია არანაკლებ 9,000 (ცხრაათასი) ევროზე.

წინასატენდერო შეხვედრა დაინტერესებული მონაწილეებისათვის დამატებითი განმარტებების მისაღებად ჩატარდება შემდეგ მისამართზე: ქ. თბილისი, 0112, დავით აღმაშენებლის გამზირი N150, 2009 წლის 18 მაისს, 11:00 საათზე.

საკონსურსო წინადადებები უნდა იქნას სათანადოდ შევსებული და მოწოდებული ქვემოთ მითითებულ მისამართზე არაუგვიანეს 2009 წლის 2 ივნისის, 11:00 საათისა (ადგილობრივი დროით), სადაც საკონკურსო წინადადებები გაიხსნება კონკურსის იმ მონაწილეთა თანდასწრებით, რომლებიც გამოთქვამენ სურვილს დაესწრონ წარმოდგენილი წინადადებების გახსნის პროცედურას. საკონკურსო დოკუმენტაცია წარმოდგენილი უნდა იქნას ამობეჭდილი და ელექტრონული (კომპაქტ დისკზე) სახით, იდენტური ვარიანტები. განფასება წარმოდგენილი უნდა იქნას Microsoft Excel 2003 ფორმატში, სხვა ნაწილები Microsoft Office Word 2003 ან უფრო ადრეული ვერსიების ფორმატში.

დაგვიანებული წინადადებები უარყოფილ იქნება და დაუბრუნდება წარმომდგენს გაუსხსნელად.

პოტენციური კონკურსანტების აღრიცხვა, რომლებმაც სატენდერო დოკუმენტაცია შეისყიდეს ქვემოთმოყვანილ მისამართზე იწარმოებს.

კონკურსანტებს შეუძლიათ მიიღონ დამატებითი ინფორმაცია, იხილონ და შეიძინონ საკონკურსო დოკუმენტაცია შემდეგ მისამართზე:

საქართველოს მუნიციპალური განვითარების ფონდი:  
 ბ-ნი ლაშა გოცირიძე, აღმასრულებელი დირექტორი  
 ქ. თბილისი, 0112, დავით აღმაშენებლის გამზირი N150, IV სართული, ოთახი 405  
 ტელ: (995 32) 48-45-09/10/11/15/55  
 ელ. ფოსტა: procurement@mdf.org.ge

# ბატონან ბატონობით

მალიზიას ტროპიკულმა წვიმამ გადაუარა

## ზიზა ბურასაშვილი

ავსტრალიის დიდი პრიზიდან ერთი კვირის შემდეგ მალაიზიური კვალიფიკაცია და რბოლა ფორმულა 1-ის მსოფლიო ჩემპიონატის დებიუტანტი საფინიზოს - ბრაუნ GP -ის პრიზანელი პილოტის ფენსონ ბატონის გამარჯვებით დასრულდა. ის, რისთვისაც აქამდე მიეღწეა ბატონს, წლებულს ერთ სეზონში გააკეთა. 2009 წლის სამეფო რბოლათა ჩემპიონატის დაწყებამდე ბრიტანელს მხოლოდ ორი გამარჯვება ჰქონდა. პირველი 2003 წელს ავსტრალიაში მოიპოვა, მეორე - 2006 წელს უნგრეთში. წლებულს სულ ორი ეტაპი გაიმართა და პოულიც და გამარჯვებაც მას დარჩა. ახლანდელ წარმატებას კი უჩვეულო ვითარებაში მიაღწია - 56-წრიანი რბოლა 31 წრის შემდეგ დასრულდა. ქულები კი ოქმში განახევრებული ჩაიწერა.



ვიდა. საქმე ის არის, რომ ავსტრალიის დიდ პრიზზე რობერტ კუბიცასთან შეჯახების-თვის ახლა დააჯარიმეს. კვალიფიკაციაზე დაკავებულ მეოთხე ადგილთან გამოთხოვება მოუხდა ბრაუნ GP -ის ბრაზილიელ ვეტერანს რუბენს ბარიკელოს - გადაცემათა კოლოფის გამოცვლის გამო ბარიკელი ხუთი საფეხურით ჩამოაქვეითეს. ფეტელისა და ბარიკელოს დაჯარიმების გამო კვირის რბოლას მესამე და მეოთხე ადგილებიდან შეუდგნენ ტიოტელი ტიმო

გლოკი და უილიამსელი ნიკო როსბერგი. ერთი სიტყვით, რბოლა უჩვეულოდ დაიწყო, რაშიც საკუთარი კორექტივები ამინდმაც შეიტანა. მართალია, ნავარაუდები თქვენი შაბათს არ მოვიდა, მაგრამ მეორე დღეს ცამ მაინც გახსნა პირი. იმის გამო, რომ მალაიზიის დიდი პრიზი ადგილობრივი დროით 17:00 საათზე გადაიტანეს (ევროპული ტელეაუდიტორიის რაოდენობის გასაზრდელად), გაჩნდა დიდი ალბათობა იმისა, რომ სეპანგის

ტრასას ტროპიკული წვიმა დაატყდებოდა. სინოპტიკოსთა პროგნოზის გამართლების შემთხვევაში კი, უილიამსელი ნიკო როსბერგის აზრით, მალაიზიური ეტაპი შეწყდებოდა. ორივე პროგნოზი გამართლდა - თავსება წვიმაც მოვიდა და დიდი პრიზიც 31-ე წრეზე შეწყდა. მანამდე კი მალაიზიაში მოვლენები კალენდოსკოპური სისწრაფით იცვლებოდა: ნიკო როსბერგის მიერ აღებული ნარმატებული სტარტი და შეეწინააღმდეგებოდა ბატონი, პირველივე მოსახვევში ტრასიდან გაფრენილი მაკლარენელი ჰეიკი კოვალაინენი, რობერტ კუბიცას ცეცხლმოკიდებული BMW ზაუბერი, არაერთი გასწრება და, რა თქმა უნდა, მრბოლთა შეცდომები. შუა რბოლაში წვიმაც ჩაერთო საქმეში, რასაც მოჰყვა მრბოლთა სასწრაფოდ ბოქსებისკენ გადახვევა და ბოლიდების სანვიმარი საბურავები შემოსვა. როცა წვიმამ გადაიღო, ბოლიდები ისევ ბოქსებისკენ გაეშურნენ - ამჯერად შუალედურ საბურავებზე გადასასვლელად. იმ იყო, სიჩქარე იმატა, რომ სეპანგს ნამდვილი ტროპიკული წვიმა დაატყდა თავს. ტრასაზე უსაფრთხოების მანქანა გამოჩნდა. საქმეს არც ამაღ უშველა. პეისკარს ამოფარებულ ბოლიდებს მოძრაობა გაუჭირდა. სტიუარდებს ისლა დარჩენოდათ, ტრასაზე ნითელი ალაში გადმოფენილი და რბოლა შეეჩერებინათ. უჩვეულო ვითარებაში ორი გამოსავალი იყო: ლოდინი სტიქიის ჩაცხრომამდე ან რბოლის ნადრევად დასრულება და იმ მომენტისთვის გავლილი წრეების მიხედვით ქულების დარიგება. 50-წუთიანი ლოდინის შემდეგ გადაწყდა: რბოლა შეწყდეს. იმის გამო, რომ

მრბოლემა მანძილის 75 პროცენტი ვერ გაიარეს, საპრიზო ქულები ორჯერ შემცირდა. ასე რომ, ბატონმა 10-ის ნაცვლად 5 ქულა მიიღო, ნიკ ჰაიდფელდმა - 4, ტიმო გლოკმა - 3, იარნო ტრული - 2,5, რუბენს ბარიკელომ - 2, მარკ უებერმა - 1,5, ლუის ჰამილტონმა - 1, ნიკო როსბერგმა - 0,5. ისევე როგორც ავსტრალიაში, მალაიზიური დიდი პრიზი კრახით დასრულდა სკუდერიელთათვის - ორი ეტაპის ჯამში ფერარის გასწვრივ წული ქულაა.

მალიზიის დიდი პრიზი.	56 წრი
ტრასის სიგრძე:	5.543 კმ.
რბოლის დისტანცია:	310.408 კმ.

1. ფენსონ ბატონი ( ბრაუნ GP ) 1:10:59.092
2. ნიკ ჰაიდფელი ( BMW-ზაუბერი ) +22.7
3. ტიმო გლოკი ( ტიოტა ) +23.5
4. იარნო ტრული ( ტიოტა ) +46.1
5. რუბენს ბარიკელი ( ბრაუნ GP ) +47.3
6. მარკ უებერი ( რედ ბული ) +52.3
7. ლუის ჰამილტონი ( მაკლარენი ) +60.7
8. ნიკო როსბერგი ( უილიამსი ) +71.5

კონსტრუქტორთა ჩათვლა:	
1. ( ბრაუნ GP )	25
2. ტიოტა	16,5
3. BMW-ზაუბერი	4
4. რენო	4
5. უილიამსი	3,5
6. ტორო როსო	3
7. რედ ბული	1,5
8. მაკლარენ-მერსედესი	1
9. ფორს-ინდია	0
10. ფერარი	0

**1 მარტიდან**

საცალო ვაჭრობაში "24 საათის" სამშაბათის ნომერი ნიუ იორკ თაიმსთან ერთად ეღირება 1 ლარი. ასევე 1 ლარი ეღირება შაბათის გამოცემა WEEKEND. ხელმომწერებს ეს ცვლილებები არ შეეხებათ, მათთვის 24 საათის ყველა ნომრის ფასი 50 თეთრი იქნება. მარტიდან შესაძლებელი იქნება 24 საათისგან დამოუკიდებლად მხოლოდ სამშაბათისა და შაბათის ნომრების ცალ-ცალკე გამოწერაც.

ასეთ შემთხვევაში ხელმომწერის ფასები შესაბამისად იქნება:

1 წლით	52 ლარი;
6 თვით	26 ლარი;
3 თვით	13 ლარი;
1 თვით	4 ლარი.

**დანვრილებითი ინფორმაციისთვის დარეკეთ: 8 (55) 53 56 55 ალექო ლომიძე;**

ლიბანელი მოქალაქე, ისამ კამალედინინმა (Issam Koma Leddine) დაკარგა პასპორტი №RL0320652. მოგონელი დასაჩუქრდება ფულადი თანხით. მოგონელს ვთხოვთ დაგვიკავშირდეს შემდეგ ტელ. ნომერზე: 877 77 55 07.

**საქართველოს პრეზიდენტის და საქართველოს მთავრობის ინიციატივით ცხადდება 2009 წლის სასწავლო - სამაგისტრო პროგრამა!**

გრანტი გაიცემა უმაღლესი განათლების მქონე საქართველოს სრულწლოვან მოქალაქეს, რომლის ასაკი არ აღემატება 40 წელს და რომელიც მაგისტრის აკადემიური ხარისხის მიღების მიზნით ჩარიცხა უმაღლეს საგანმანათლებლო დაწესებულებაში.

გრანტის მისაღებად დარეგისტრირება შესაძლებელია 2009 წლის 31 მარტიდან ა.წ. 26 ივნისამდე.

დამატებითი ინფორმაციისთვის იხილეთ ვებ. გვერდი WWW.DRF.ORG.GE ; ტელ: 996 723; 93 28 53.

**თვითმცლელი:** მიწოდების ვადა 1 დღე

**BMC PRO 935 FTE 8X4**

ტექნიკის ტიპი: ბეტონმემრევი მწარმოებელი: BMC  
 მოდელი: BMC PRO 935 FTE  
 მოცულობა: 10 მ.3  
 ძრავი: Cummins C 350-20 (Euro2) Turbo Intercooler  
 სიმძლავრე: 350 ცხ.ძ.  
 გადაცემათა კოლოფი: ZF 16 S  
 ბეტონმემრევი დანადგარი: LIEBHERR  
 გარანტია: 1 წელი  
 მიწოდების ვადა: 1 დღე

**ქ. თბილისი, დ. აღმაშენებლის ხეივანი მ-12 კმ.**

**TEGETA TRUCK & BUS LTD** ☎ **24-47-44, ☎ 24-47-44 (1219)**